

Naqqiut

Siunnersuut 27. September 2024-meersoq taarserpaa
(Inatsisissamik inatsisilerinermik teknikkikkut aamma kukkunersiuinermik
iluarsiissuteqarpoq)

Siunnersuummut nassuiaatit

Nassuiaatit nalinginnaasut

1. Aallarniut

2022-mut aningaasanut inatsisissap isumaqatiginninniutigineqarnerani Ineqarnermut Attaveqaasersuutinullu Naalakkersuisoq inissiaqarnermut suliassaqaarfimmi aningaasalersuisarnermut aaqqissuussinerup nalilersuiffiginissaata sularinissaanik peqquneqarsimavoq. Nalilersuineq marlunnut avinneqarsimavoq, siullerlu november 2023-mi tunniunneqarluni.

Nalilersuinerup immikkoortuani siullermi paasissutissat atortussallu kommuuninit tunniunneqartut tunngavigalugit illuliortitsinerup aningaasalersuisarnermut aaqqissuussinerup kommunit sularinnittarnerat atuisarnerallu pineqarpoq. Nalilersuinerup immikkoortuani siullermi inerniliunneqartut Namminersorlutik Oqartussat kommunillu akornanni artornartunut suliassanullu agguataarisarnerup tunngatillugu innersuussutissanut arlalinnut tunngaviliipput.

Nalilersuinerup immikkoortuata tulliani suliassaqaarfimmut inatsisit inatsisilerinikkut misissuiffiginissaannik kiisalu aaqqissuussinerit allaffissornikkut aqutsinikkullu kommunit naalakkersuisoqarfiullu misilittagaannik tunngaveqarput. Kommunit aaqqissuussinerup allaffissornikkut sularinissaanut akisussaasuupput, naalakkersuisoqarfillu inatsisip paasinissaanut akisussaasuulluni.

2. Siunnersuummi immikkoortut pingaarnertit

2.1 Inissiat attartortittakkat piginneqatigiilluni inissianut allanngortinnerat Malittarisassat atuuttut malillugit kommunini inissiat attartortittakkat inissianut piginneqatigiinnut allanngortinneqarsinnaapput attartortut tamarmiusut 75 %-ii inissiaatit attartortittakkat inissiatut piginneqatigiiffittut tiginissaannik kissaateqarsimappata. Kommunalbestyrelse illuutip attartortumut tunisinaanissaa pillugu aalajangiisarpoq.

Malittarisassat atuuttut malillugit piginneqatigiilluni inissiatillit peqatigiiffiannut tunniussinissaq siunertaralugu kommunalbestyrelse inissianik nutaanik sanaartorsinnaavoq, ilaatigut piginneqatigiilluni inissaliorneq kommunalbestyrelsip kisermaassinerani.

Naalackersuisut kommunalbestyrelsillu inissiat attartortittakkat pioreersut piginneqatigiilluni inissianut allangortinnissaannut piginnaatinneqassasut siunnersuutigineqarpoq. Allangortitsisoqarnerani Naalackersuisut kommunalbestyrelsilu piginneqatigiilluni inissiat attartoreersunut iliuuseqarlutik tunisisarnissaannut, inoqanngitsoqartillugulu piginneqatigiilluni inissiatillit peqatigiiffiat aqutigalugu tunisisarnissamut, pisussaaffeqarput. Naalackersuisut aamma kommunalbestyrelsip piginneqatigiilluni inissiat tigungmiinnarsinnaanngilaat. Piginneqatigiilluni inissiat assersuutigalugu sulisunut inissiatut imaluunniit isumaginninnikkut inissiatut siunertanut atorneqaqqusaanngillat.

Namminersorlutik Oqartussat kommunillu illuutaasa aalaakkaasut tunniunnissaanut aalajangiinissami pisarneq malillugu aningaasaliissuteqartarnikkut Inatsisartut aningaasanut inatsisaanni imaluunniit kommunit missingersuutaanni tunngavissaqarsimanissaa piunasaqaataasarpoq.

Naalackersuisut kommunalbestyrelsillu namminneerlutik piginneqatigiilluni inissiatillit peqatigiiffianik pilersitsinissamut inissiallu attartortittakkat piginneqatigiilluni inissiatillit peqatigiiffiannut piginneqatigiilluni inissiatut tunniussinissaminnut, tamannalu pillugu attartortunit pioreersunit piunasaqaateqartinnagu, piginnaatinneqarput. Naalackersuisut kommunalbestyrelsillu Piginneqatigiilluni inissiat pillugit Inatsisartut inatsisaanni killiliunneqartut atuuttut iluanni inissiat attartortittakkat pisiarinissaannut piginneqatigiilluni inissiatillit peqatigiiffiannut taarsigassarsisitsisinaanissaat siunnersuutigineqarpoq. Pisinermi inerniliunneqartoq tamatuma saniatigut nammineeirluni aningaasaliinikkut aningaaserivimmiluunniit imaluunniit taarsigassarsisitsisarfimmi taarsigassarsinikkut aningaasalersorneqartariaqarpoq.

Inissiat attartortittakkat inissianut piginneqatigiiffinnut allangortinneranni attartoreersut piginneqatigiilluni inissiami allangortinneqartumi attartortutut ineqaannarnissaminnut pisinnaatitaaffeqarput. Piginneqatigiilluni inissiannortitsineq attartortup qinnuteqarneratigut pitillugu, § 42, imm. 1, nr. 1 naapertorlugu pisinnaatitaaffimmut tamanna naapertuuppoq. Attartornermi isumaqatigiissut naapertorlugu, attartornermullu inatsit atuuttoq naapertorlugit, piunasaqaatit allangortinnagit attartornermi isumaqatigiissut ingerlateqqinneqassaaq. Taamaakkaluartoq attartortup qinnuteqarneratigut piginneqatigiilluni inissiamik allangortitsisoqartillugu inissiamik attartortittakkamik allamik tunisisoqarsinnaaneratigut, attartortoq inissiamik attartortittakkamik allamik tunineqarsinnaanngilaq.

Namminersorlutik Oqartussat imaluunniit kommunalbestyrelsi piginnittuutillugu pisortat attartortittagaannik piginneqatigiilluni inissiannortitsilluni tunisinermi siunnersuutigineqarpoq, tunisinermi piunasaqaataasussat Naalackersuisunit imaluunniit kommunalbestyrelsimit aalajangersarneqassasut. Taamaalilluni aqukkuminartumik, inissiallu

nammineq pigisat amerlinissaannut tapertaasinnaasumik aaqqiissummik pilersitsisoqarnissaa pingaartinneqarpoq. Taamaakkaluartoq siunnersuutigineqarpoq, illut attartortittakkat niuernermininganut, minnerpaamilli m²-imut 7.000 koruunimut, minnerpaamillu akigititassaq saneqqunnissaanut periarfissalerlugu tunineqartassasut. Taamaalilluni inissiat attartortittakkat allanngortinneqartut tunineqarsinnaalissapput, inissiallu nammineq pigisat niuerutigineqarnerini ilaanissaat, inissiallu attartortittakkat sanaartorneqarnerini aningaasartuutitut naapertuutikannersumik inissiat attartortittakkat tuninerini akeqarnissaat pingaartinneqarpoq.

Piginneqatigiilluni inissianut inatsimmi kapitali 4-p malillugu, illumi attartortittakkami piginnittut 75 %-ii inissianik piginneqatigiilluni inissiatut tigungissaannik qinnuteqarsinnaapput. Qinnuteqaat akuerineqassasoq, kapitali 4-mi malittarisassat naapertorlugit inatsisitigut piumasaaqateqanngilaq. Kapitali 4 imaluunniit siunnersuummi kapitali 4a naapertorlugu illu attartortittagaq piginneqatigiilluni inissiannngortinniarlugu tunineqassanersoq, kommunalbestyrelsi kisimi aalajangigassaraa. Taassuma kingunerisaanik kapitali 4 malillugu attartortut qinnuteqaataannik kommunalbestyrelsi itigartitsinnaavoq, taassumalu kingorna kapitali 4a malillugu allanngortitsinissaq aalajangiiffigalugu.

8.2 Pisortani qularnaveeqqusiinermi allakkat - kaaviiartitsinermut allakkanik inerteqquteqarneq

Malittarisassat atuuttut malillugit Piginneqatigiilluni inissiat pillugit Inatsisartut inatsisaat massakkut atuuttoq imaluunniit piginneqatigiilluni inissiat pillugit siusinnerusukkut inatsisaasimasut naapertorlugit Naalakkersuisut kommunalbestyrelsillu qularnaveeqqusiussaqarluni taarsigassarsinermut pisortanit qularnaveeqqusiinikkut tunniunneqartut tunisarnissaannut imaluunniit qularnaveeqqusiussanut allagartat tuniniarsinnaanissaannut malittarisassiortoqarsimangilaq. Tunngaviatigut qularnaveeqqusiinermut allakkat kaaviiartinneqarsinnaagaluarput, paarlattuanik sulinermit tamakkuninnga tuniniaasoqarsimassanngippat imaluunniit taarsigassarsititsisoqarsimassanngippat.

Qularnaveeqqusiinermut allakkat akiitsunullu allakkat Piginneqatigiilluni inissiat pillugit Inatsisartut inatsisaanni massakkut atuuttumi imaluunniit Piginneqatigiilluni inissiat pillugit siusinnerusukkut inatsisaasut naapertorlugit pisortat taarsigassarsititsinerannut ilaasumik pisortanut tunniunneqartut allakkat kaaviiartitanut, qularnaveeqqusiinissanut imaluunniit taarsigassarsititsisarfinniit malersorneqarnissamut pissutaatinneqarsinnaassanngitsut siunnersuutigineqarpoq.

Kalaallit Nunaanni Eqqartuussiviup qularnaveeqqusiinermut allakkanut Naalakkersuisunut kommunalbestyrelsinullu tunniunneqartunut tammartunut Naalakkersuisut kommunalbestyrelsillu uppernanngitsumik uppernarsaanerat tunngavigalugu peerneqarsinnaassasut siunnersuutip kingunerisussaagaa nalilerneqarpoq, tamanna Kalaallit Nunaanni Eqqartuussivimmi Nalunaarsuisarnermut Allattuiffik naapertorlugu

qularnaveeqquusiissutitut allakkat tammartut naapertorlugit pisinnaatitaaffiummat. Tamanna qularnaveeqquusiinermut allagartanut tammartunut atasumik allaffissornermut oqilisaataassaaq.

3. Pisortanut aningaasaqarnikkut allaffissornikkullu kingunerisassat

Inissiat attartortittakkat inissianut piginneqatigiiffinnut allangortinnerat aamma inissiat piginneqatigiilluni inissiatillit peqatigiiffiannut tunniuttarnerat inissiat attartortittakkat niuerfinni nalingannut naatsorsorlugu pissaq, taamaattoq minnerpaamik inissiaq tamakkerlugu 7.000 kr./m²-imut nik akeqartillugu. Tunniussinermit inerniliunneqartut annersaasa ilaat aningaaserivimmi imaluunniit taarsigassarsisitsisarfimmi taarsigassarsinikkut aningaasalersorneqassaaq.

Tamanna Namminersorlutik Oqartussanut kommunalbestyrelsimullu aningaasatigut iluanaarutit pissarsiffiussaaq, tassalu pisinermit inerniliunneqartup ilaanut naapertuuttumik, tamannalu Namminersorlutik Oqartussanit kommunalbestyrelsimiillu aningaasalersorneqanngilaq. Kingusinnerusukkat piginneqataassutit tunisinermit pisinermit inerniliunneqartup 5 %-ianut nammineerluni aningaasaliinerit Namminersorlutik Oqartussanut kommunalbestyrelsimullu utertinnissat naatsorsuutaassaaq. Pisinermit inerniliunneqartup ilaa pineqartoq Namminersorlutik Oqartussanit kommunalbestyrelsimiillu aningaasalersorneqartoq utertinneqartussaassaaq. Tamatuma nalinga aningaasat naleerukkiartornerat qaqugumulluunniit atuuttoq malillugu aamma taarsigassarsiat akilernissat tikillugu ingerlaavartumik iluarsiffigineqartassaaq.

Namminersorlutik Oqartussat kommunalbestyrelsilu tassunga peqatigitillugu ingerlatsinermit iluarsaasarnernullu piginneqatigiilluni inissianut ataasiakkaanut attuumassutilinnut pisussaaffeerutissapput. Piginneqatigiillu inissiat tunineqarnissat tikillugu Naalakkersuisut kommunalbestyrelsilu pisarneq malillugu piginneqatigiilluni inissianut Naalakkersuisunit kommunalbestyrelsinillu pigineqartunut piginneqatigiilluni inissiatillit peqatigiiffiannut inissianut tapiissuteqartassapput.

Namminersorlutik Oqartussat kommunalbestyrelsilu tassunga peqatigitillugu inissianut attartortittakkanut ukiumoortumik aningaasatigut iluanaarutissanik annaasaqassapput.

Aningaasatigut iluanaarutit, aningaasartuutitigut sipaarutit, aningaasaliissutaasimasuniillu iluanaarutit qanoq amerlatigissanersut missiliorneqarsinnaanngilaq. Tamatumani inissiat attartortittakkat qanoq amerlatigisut allangortinneqassanersut, illuutillu niuernermit qanoq naleqassanersut siumut ilisimaneqarsinnaannginnera patsisaavoq.

Assersuutitut Sisimiuni inissiarisup attartortittakkap, inissiaq ataaseq tamakkerlugu 75 m²-itut angitigisunik qulinik inissiatillip, niuernermit m²-imut 10.000 koruuninik naleqartup piginneqatigiilluni inissiatillit peqatigiiffinngortinneqarnerani aningaasartuutissat tamaasa

ilanngullugit aki tamarmiusoq, pisinermilu taarsigassarsiarineqartussat ima naatsorsorneqarsinnaapput:

Pisinermi aki tamarmiusoq 7.500.000,00 koruuniuvoq, ima aningaasalersorneqarlunilu akilerneqartussaq:

Pisortanit taarsigassarsiat, annerpaamik 55%	kr.	4.125.000
Aningaasanngorlugu nammineq akiliutit, minnerpaamik 5 %	kr.	375.000
Aningaasanngorlugu assersuutigalugu pigisanik aalaakkaasunik qularnaveequsiilluni taarsigassarsisitsisarfirmmit/aningaaserivimmi taarsigassarsiat, annerpaamik 40%	kr.	3.000.000
Katillugit	kr.	7.500.000

Taakkunanga piginneqatigiilluni inissiatillit peqatigiiffiata 3.375.000 koruunit Namminersorlutik Oqartussanut imaluunniit kommunimut aningaasanngorlugit akiliutigissavai. Pisinermi akimit tamarmiusumit aningaasanngorlugit akiliutissat tassaapput nammineq akiliutissat tamarmiusut aamma pigisanik aalaakkaasunik qularnaveequsiilluni taarsigassarsisitsisarfirmmit imaluunniit aningaaserivimmit taarsigassarsiat.

Piginneqatigiilluni inissiatillit peqatigiiffiannik pilersitsinermut atatillugu, nammineq akiliutissanut akiliussinermut Namminersorlutik Oqartussat, kommunalbestyrelsilu aningaasartuuteqassapput. Piginneqatigiilluni inissiatillit peqatigiiffianni piginneqataassutsit ataasiakkaat tuninerat ilutigalugu, nammineq akiliutit utertinneqassapput.

Pisortanit taarsigassarsiat 4.125.000 koruuniusut Namminersorlutik Oqartussanut, kommunalbestyrelsimullu utertinneqassapput. Piginneqatigiilluni inissiat pillugit Inatsisartut inatsisaanni § 10-mi imm. 2 naapertorlugu taarsigassarsiat ukiut 30-t tikillugit ernialersugaanatililu akilersugassaanngillat, taassumallu kingorna Nationalbankip ernialiusaa 3 procentpointinik ilallugu annertussusilimmik erniaqartillugit, ukiut 15-it tikillugit taarsigassarsiatut annertoqqatigiimmik akilersorneqassallutik.

Inissiat attartortittakkatut atuinneqaraluarpata aningaasaliissutaasunit iluanaarutissaagaluanik annaasassat imaluunniit ingerlatsinermut, aserfallatsaaliuinerimullu aningaasartuutaasussanit sipaarutaasussat assersuummi uani missiliorneqanngillat. Taassumap saniatigut piginneqataassutsit ataasiakkaat tunineqarnissaasa tungaannut pisortat isertitassaat, aningaasartuutissaallu missiliorneqanngillat.

4. Inuussutissarsiortunut aningaasaqarnikkut allaffissornikkullu kingunerisassat
Siunnersuut inuussutissarsiutinik ingerlataqartunut allanullu aningaasatigut allaffissornikkullu sunniuteqassanngitsoq nalilerneqarpoq.

5. Avatangiisinut, pinngortitamut inuillu peqqissusaannut kingunerisassat

Siunnersuut avatangiisinut, pinngortitamut inuillu peqqissusaannut sunniuteqassanngitsoq nalilerneqarpoq.

6. Innuttaasunut kingunerisassat

Innuttaasut amerlanerit inissianik namminneerlutik pilersorsinnaanissaannut Naalakkersuisut kommunalbestyrelsillu tapiissuteqartarnissaannut siunnersuut periarfissiivoq.

Naalakkersuisut Kommunalbestyrelsillu piginneqatigiilluni inissiaatillit peqatigiiffiata pilersinnissaanut, allangortinnissaanut aamma piginneqatigiilluni inissat tunniuttarnissaannut, aningaasalersuinissat ikiuiffiginissaannut kiisalu allaffissornikkut ileqqut pilersinnissaannut isumaginnittuupput. Tamatuma kingorna innuttaasut ataasiakkaat piginneqatigiilluni inissiamik pisinissaq pillugu aalajangernissaat takujuminarnerulerlunilu suliariuminarnerulissaaq.

Siunnersuut innuttaasunut allatigut aningaasaqarnikkut allaffissornikkulluunniit sunniuteqassanngitsoq nalilerneqarpoq.

7. Kingunerisassat pingaarnertit allat

Siunnersuut innuttaasunut malunnaatilinnik allanik sunniuteqarnaviannngitsoq nalilerneqarpoq.

8. Oqartussat kattuffiillu tusarniaaffiginerat

Siunnersuut piffissami 19.08.2024-miit 16.09.2024-mut Naalakkersuisut tusarniaanernut nittartagaanni tamanut tusarniutigineqarsimavoq, tamatumalu saniatigut tusarniaaffigisartakkanut toqqaannartumik nassiunneqarsimalluni.

Tusarniaanernut akissutini tiguneqartuni pingaarnertut immikkoortut Ilanngussaq 2-mi taaqqinneqarput oqaaseqarfigineqarlutillu.

Siunnersuummi aalajangersakkanut ataasiakkaanut nassuiaatit*§ 1-imut*

Nr. 1-imut

Aalajangersakkatigut erseqqissarneqarpoq inissiap annertussusaa qanoq isillugu naatsorsuiffigineqassanersoq, matumani piginneqatigiilluni inissiaq iluatigut tummeralerlugu sananeqarsimappat.

Inissiami inissiap iluani majuartarfiit pilersinnissaanut atugassamik quleriaat immikkoortillugit ammaneqarnissaa inissiap annertussusaanut ilaanut ilanngullugu naatsorsuiffigineqartussaammat erseqqissarneqassaaq. Natip quleriaani majuartarfiit inissisimaffianiilluni aallartittup inissiap annertussusaata naatsorsuiffiginerani aamma ilanngullugu naatsorsuiffigineqartartussaammat tassunga peqatigitillugu erseqqissarneqarpoq. Inissiaq pingasunik quleriaalerlugu sananeqartoq quleriaat siullianni natermut ilanngullugu naatsorsuiffigineqartussaavoq kiisalu quleriaat siulliup tulliatu akornanni aamma quleriaat aappaata pingajuatalu akornanni quleriaat avissaaqqaneranni ammanilerlugu.

Nr. 2-mut

Sanaartorneqartup ilusaa allaaneruppat, inissiap angissusaata tapiiffigineqarsinnaasup naatsorsuiffiginissaa pillugu malittarisassanik Naalakkersuisut immikkut ittumik akuersissuteqarsinnaammata erseqqissarneqassaaq. Assersuutigalugu inissiaq eqqortunik sammivilersorlugu sananeqarsimangippat imaluunniit illup quleriaaannerata allatut misileraatit sananeqarsimappat.

Nr. 3-mut

Qularnaveeqqusiinermut allagakkat akiitsunullu allakkat Piginneqatigiilluni inissiat pillugit Inatsisartut inatsisaat massakut atuuttoq imaluunniit siusinnerusukkat Piginneqatigiilluni inissiat pillugit inatsisaasimasut naapertorlugit pisortanit taarsigassarsiarineqartunut ilaasumik taarsigassarsianut allakkat akiitsunullu allagartat kaaviiartitatut, qularnaveeqqusiinernut imaluunniit akiligassanik malersuinissanut atorneqartassanngitsut siunnersuutigineqarpoq.

Qularnaveeqqusiinermut allagaq originali tammartuussagalarpat akiligassalik qularnaveeqqusiinermut allagaq naapertorlugu allanngussanngitsoq qularnaarneqartussaavoq, taamaammallu pisortani oqartussa qularnaveeqqusiinermut allakkami erseqqissarneqartoq pineqaannartussaavoq.

Aaqqissuussinerup inatsisitigut aaqqiinerup Kalaallit Nunaanni Eqqartuussiviup qularnaveeqqusiinermut allakkat tammartut pisortanut tunniunneqartut pisortani oqartussap uppernarsaanera tunngavigalugu peerneqarsinnaasasut nalilerneqarpoq, tamakkumi nalunaarsuinerup malittarisassa (registreringsprotokollen) naapertorlugu

qularnaveeqqusiinermut allakkanut tammartunut pisinnaatitaaffiuvoq. Aaqqissuussineq manna suleriaaserineqartumut Kalaallit Nunaanni Eqqartuussivimmit akuerineqartumut naapertuuttussaavoq, matumanilu taarsigassarsititsisarfinnut allakkanut tammartut suujunnaarsittarnissaat pineqarpoq Danmarkimilu pigisanik nalilersuinermt inatsimmi (tinglysningslov) § 11, imm. 2-mik atuuttumik atuisarnissamut tunngalluni.

Nr. 4-mut

Kina sanaartornernut naatsorsuutinik uppersarsaassanersoq aalajangersakkatigut erseqqissarneqassaaq.

Taarsigassarsisoq sanaartukkanut naatsorsuutinik inaarutaasunik uppersarsakkanillu inuup attuumassuteqanngitsup suliaqartarnissaanut atsiortarnissaanullu akisussaasuvoq. Sanaartukkanut naatsorsuutit siunissami taamaallaat kukkuniuisartumit nalunaarsorneqartumit imaluunniit naalagaaffimmit akuerisaasumit imaluunniit Kalaallit Nunaanni aningaaserivimmit uppersarsarneqartartussaammata erseqqissarneqarpoq.

Sanaartukkanut naatsorsuutini aningaasartuutit tamarmik sulinermt tapiiffigineqartussamut atasut ilaasussaanagerat siunnersuummi erseqqissarneqarpoq. Inissianik nutaanik sanasoqarnissaanut tunngatillugu matumani sukaterinissaq pineqarpoq. Sanaartukkanut naatsorsuutini uppersarsaanikkut inissiat nutaat sananeranni aningaasartuutit tamarmiusut sanaartornissamut aningaasartuutissat kvadratmeterimut 20.000 kr.-usut annerpaamik taarsigassarsiffigineqarsinnaasut qaangiisimanerat allaffissornikkut sulinermt akuerineqartarsimavoq.

Nr. 5-6-imut

Sanaartortitsisoq namminersortoq sanaartornerup aallartinnera sanaartukkallu atulernissaa pillugit paasissutissanik kommunalbestyrelsimut nassiussisussaasoq aalajangersakkatigut erseqqissarneqarpoq. Sanaartortitsisoq namminersortoq piginneqatigiilluni inissiat sananissaannut taarsigassarsititsinissaq pillugu neriorsuutinik tiguisartuuvuq. Piginneqatigiilluni inissiat sanaartornerat sanaartortitsisumit namminersortumit isumagineqassaaq, taannalu pisarnej malillugu piginneqatigiilluni inissiatillit peqatigiiffiannut sanaartornerup naammassinissaanut qanimut attuumassutilimmut tunniunneqartarpoq.

Nr. 7-imut

Kapitali 4 a-mut

Piginneqatigiilluni inissiatillit peqatigiiffiup Naalackersuisut imaluunniit kommunalbestyrelsi kisiartaallutik piginneqatigiilluni inissiatillit peqatigiiffiannut ilaasortaanerat atorlugu aammalu peqatigiiffiup inissiaataannut tamanut atuinissamut pisinnaatitaaffeqarnikkut pilersinnissaa pillugu Naalackersuisut kommunalbestyrelsillu aalajangiisinnaasasut siunnersuutigineqarpoq. Naalackersuisut kommunalbestyrelsillu pisortat inissiaataasa attartortittakkat pioreersut piginneqatigiilluni inissiatillit

peqatigiiffiannut tunniunnissaannut aalajangiisinnaassasut siunnersuutigineqarpoq. Naalakkersuisut kommunalbestyrelsilu piginneqataassutit attartoreersut tuniniartarnissaannut imaluunniit piginneqataassutit pigineqanngitsut piginneqatigiilluni inissiamut atuinissamut pisinnaatitaaffiit ilanngullugit tuniniartarnissaannut pisussaaffeqarput.

§ 45 a-mut

Imm. 1-imut

Naalakkersuisut imaluunniit kommunalbestyrelsi piginneqatigiilluni inissiaatillit peqatigiiffiannik pilersitsisoqarnissaa aamma inissiat attartortittakkat pioreersut piginneqatigiilluni inissiaatillit peqatigiiffiannut tunniuttarnissaat pillugit aalajangiisinnaassasut siunnersuutigineqarpoq. Aalajangiineq attartortumiit qinnuteqarnissamik pisariaqartitsiffiunngilaq, soorluttaaq attartortoq inissiat attartortittakkat piginneqatigiilluni inissiaatillit peqatigiiffiannut tunineqarnissaannut akerliusinnaanngitsoq.

Naalakkersuisut kommunalbestyrelsilu illuutip attartortittakkap pineqartup illuutinut attartortittakkanut allanut qanoq agguataariffigineqassanersoq killeqartinneqassanersorlu aalajangertussaavaat. Illuut attartortittagaq assersuutigalugu illuummut attartortittakkamut allamut assersuullugu ataatsimut isulersugaq piginneqatigiilluni inissiaatillit peqatigiiffiannut nammineq illuutit tunniunneqarsinnaavoq. Illuutit taamaattut ataatsimut atugassaqartut malittarisassiorfiginissaat ataatsimut peqatigiiffeqarnikkut imaluunniit illuutinut nalunaaruteqarnikkut malittarisassiorfigineqarsinnaapput. Assinganik ataatsimut aqqusersuutiniq pilersuinerit malittarisassiorfiginissaat ataatsimut piginneqatigiit peqatigiiffeqarnerisigut imaluunniit illuutit nalunaaruteqarfiginerisigut pisinnaavoq. Taamaattoqassappat illut pineqartut ataasiinnarmut pigineqarnissaat imaluunniit illunik piginnittut arlallit akornanni malittarisassiuussinissap siumut isumaqatigiissutigineqarsimanissaa aalajangiisuvoq.

Imm. 2-mut

Naalakkersuisut kommunalbestyrelsilu piginneqatigiilluni inissiaatillit peqatigiiffiannik pilersitsissapput kisimiillutillu piginneqataasutut ilaalerlutik. Naalakkersuisut kommunalbestyrelsilu peqatigiiffiup inissiaataannut tamanut atuinissamut pisinnaatitaaffeqarput. Naalakkersuisut kommunalbestyrelsilu pisinnaatitaaffinnut pisussaaffinnullu peqatigiiffiup ileqqoreqqusaani aamma Piginneqatigiilluni inissiat pillugit Inatsisartut inatsisaanni pineqartunut ilaalissapput.

§ 45 b-mut

Namminersorlutik Oqartussat kommunalbestyrelsillu inissiaataat attartortittakkat pioreersut amerlanertigut ataatsimut innaallagissamut, imermut, kiassarnermut imaluunniit aqqusersuutit ataatsimoorussat arlallit atorlugit sananeqarsimapput. Ilangullugulu illuutit attartortittakkat ataatsimut kiassaateqarfimmud attaveqarsinnaapput.

Naalackersuisut kommunalbestyrelsillu piginneqatigiilluni inissiatillit peqatigiiffiata pilersinnissaanut aamma illuutip attartortittakkap piginneqatigiilluni inissiatillit peqatigiiffiannut tunniunnissaanut ilaasumik piginneqatigiilluni inissiatillit peqatigiiffiup ataatsimut innaallagissamut, imermut, kiassarnermut aqquersuutinullu aamma ataatsimut kiassaateqarfimmut tunngatillugu pisinnaatitaaffii pisussaaffiilu pillugit aalajangiisinnaatitaapput.

§ 45 c-mut

Naalackersuisut kommunalbestyrelsillu sanaartornermut ilisimasalimmik illuutit attartortittakkat qanoq issusiannut nalunaarusiortussamik kiisalu illuutip niuerfinni nalinganik naatsorsuusiortussamik suliamut ilisimasalimmik atorfinitsitsinissaat siunnersuutigineqarpoq. Qanoq issutsimut nalunaarusiaq suliamut ilisimasalimmut tunniunneqassasoq, illuutillu attartortittakkap niuerfinni nalingata naatsorsuiffiginissaanut taanna ilaassasoq naatsorsuutaavoq.

Qanoq issutsimut nalunaarusiaq niuerfinnillu naleritinneqartoq illuutip attartortittakkap piginneqatigiilluni inissiatillit peqatigiiffiannut tunniunnissaanut tunngavigineqartumut ilaassapput.

Qanoq issutsimut nalunaarusiamut, naliliinermullu malittarisassanik aalajangersaanissaannut Naalackersuisut imm. 2-mi piginnaatinneqarput.

Qanoq issutsimut nalunaarusiaq sunik imaqassanersoq, imm. 2 naapertorlugu Naalackersuisut aalajangersaasinnaassapput.

Qanoq issutsimut nalunaarusiaq illuutip attartortittakkap nassuiaaffigineranik imaqassaaq, taakkunungalugu ilaassapput illuutip attartortittakkap illummi pingaarnertut ilaani qanoq sivistigisumik atasinnaassutsip nassuiaaffiginerana, soorlu illuutip silataani qallersuutit, qaavatigut qallersuutit, matut igalaat kiisalu teknikikkut atortulersuutit. Ilanngullugu qanoq issutsimut nalunaarusiaq amigartumik aserfallatsaaliuisoqarneranut sulinerit nassuiaaffiginerannik imaqassaaq.

§ 45 d-mut

Imm. 1-imut

Naalackersuisut imaluunniit kommunalbestyrelsi illuutip attartortittakkap piginneqatigiilluni inissiatillit peqatigiiffiannut tunniunnissaanut pisinermi akigitinneqartumut piunasaqaatinullu allanut aalajangersaassasut siunnersuutigineqarpoq. Illuutip aalaakkaasup tunniunnerani Naalackersuisut aamma kommunalbestyrelse illuutit aalaakkaasut tunisarnerannut malittarisassanut nalinginnaasunut ilaapput, soorlu illuutip attartortittakkap qanoq issusia pillugu ataqqinnilluni paasissutissiisarnissamut pisussaaffeqarneq.

Imm. 2-mut

Illuut niuerfinni akigitinneqartumut tunniunneqassasoq siunnersuutigineqarpoq, taamaattoq inissiap annertussusaanut minnerpaami 7.000 kr./m²-imut . Siunnersuummi § 45c naapertorlugu niuerfinni akigitinneqartoq suliamik ilisimasallip naatsorsuineranik tunngaveqassaaq. Inissiap angissusaa § 8 naapertorlugu naatsorsuiffigineqassaaq.

Niuerfinni akigitinneqartoq suliamut ilisimasalimmit naatsorsorneqartoq inissiap angissusaanut 7.000 kr./m²-imut ataallugit akeqarsimappat nalilersuilluartoqareerneratigut akigitinneqartoq appasinnerusoq atorlugu tunisineq pisinnaavoq. Taamatut pisoqarnera assersuutigalugu illoqarfiit anginerusut avataanni illuutip attartortittakkap tunisinissap eqqarsaataasup pinerani pisinnaavoq. Imaluunniit illuutip attartortittakkap amigartumik aserfallatsaaliuisoqartarsimaneranut uppernarsaasimaneratigut, tassungalu aningaasartuutit immikkut ittumik inissianut akitsuummik kinguneqartussaattillugu.

Minnerpaaffittut akigitinneqartumiit akikinnerutillugu tunisinissaq pillugu aalajangiisoqarnerani piginneqatigiilluni inissiaatillit peqatigiiffianni ataatsimut inissiamut akitsuutip anguniarnissaa pingaartinneqarsinnaavoq, taannalu ineqarnermut akiliutit qaffasissusaata illuutitut attartortittakkanut sumiiffimi illuutip attartortittakkap inissisimaffiani assersuuneqarsinnaasumut naapertuuttuussaaq.

m²-imut 7.000 kr.-it akikinnerusumik tunisisoqarsinnaaqullugu Naalakkersuisut Inatsisartut Aningaasaqarnermut Akileraartarnermullu Ataatsimiititaliamit akuerineqarsimassapput, kommunalbestyrelsilu Naalakkersuisuinnarnit akuerineqarsimassalluni.

§ 45 e-mut

Naalakkersuisut aamma kommunalbestyrelse illuutip attartortittakkap piginneqatigiilluni inissiaatillit peqatigiiffiannut tunniunnerani piginneqatigiilluni inissiaatillit peqatigiiffianniit ineeqqanik attartornissamut pisinnaatitaaffimmik piunasaqarsinnaapput. Illuummik attartortittakkamik tunniussinermi assersuutigalugu errorsisarfimmik, cykelinut inissiisarfimmik naqqup ataaniittumik assigisaannilluunnit peqarsimassappat piunasaqarsinnaatitaapput.

Naalakkersuisut aamma kommunalbestyrelse illuutit attartortittakkat piginneqatigiilluni inissiaatillit peqatigiiffiannut tunniunneranni illuutini attartortittakkani atuinissamut pisinnaatitaaffiup pioreersup piginneqatigiillu inissiaatillit peqatigiiffiata tigusererneratigut pisinnaatitaaffimmik piunasaqarsinnaapput, soorlu inuussutissarsiutinut atorneqarnissaa pillugu. § 55 naapertorlugu inuussutissarsiutinik atuisarnissamut inerteqquteqartitsineq taamaasilluni illuutini attartortittakkani inuussutissarsiutinut pisinnaatitaaffinnut pilersinneqareersunut atorneqarsinnaassanngilaq, soorlu inissiani inissiatut atugassatut aalajangiiffigineqartuni.

§ 45 f-imut

Imm. 1-imut

Naalackersuisut imaluunniit kommunalbestyrelsi illuummik attartortittakkamik piginneqatigiilluni inissiatillit peqatigiiffiannut tunniussinermi pisinermi akigitinneqartup aningaasalersornissaanut ilaannakortumik taarsigassarsititsisinnaapput. Tamatumunnga taarsigassarsinermut sillimasiinissamullu qularnaveeqqusiinerit §§ 3-10-mi aalajangersarneqartuni killiliussat iluanni tunniuneqassapput.

Imm. 2-mut

Naalackersuisut imaluunniit kommunalbestyrelse taarsigassarsianut illuutip tunniuneqartup amigartumik aserfallatsaaliorneqartup uppersarsarneqartup pilerseqqinnissaanut aningaasalersuinissamut piginneqatigiilluni inissiatillit peqatigiiffiannut tunniuneqartumut tullerriaarinermik uppersarsaasinnaapput. Amigartumik aserfallatsaaliuisoqarneranut sulineq uppersarsarneqartoq pingaarnertigut qanoq issutsimut nalunaarusiami takuneqarsinnaassaaq, takuuk siunnersuummi § 45 c.

Tamatuma kingunerissavaa pingaarnersiuisoqartarnissaanut inissisimaneq § 10-mi naatsorsuutigineqartoq saneqqunneqartussanngussamat, taarsigassarsiallu Naalackersuisunit kommunalbestyrelsimiillu tunniuneqartut pisinermi akigitinneqartup akilernissaanut piginneqatigiilluni inissiatillit peqatigiiffiata taarsigassarsiaanut aamma amigartumik aserfallatsaaliuisoqarnerit akilernissaanut taarsigassarsiarineqartunut tullinnguutsinneqassapput. Aserfallatsaaliuinerit sulinerit akilernissaannut taarsigassarsititsineq pisarneq malillugu aserfallatsaaliuinerit sulisunut sanaartornermut naatsorsuutitnik suliaqarnikkut uppersarsarneqassapput.

Imm. 3-mut.

Naalackersuisut aamma kommunalbestyrelse piginneqatigiilluni inissiatillit peqatigiiffianni piginneqataasutut ataasiinnartut ilaalissapput, piginneqataasutullu inissiat ataasiakkaarlugit atuinissamut pisinnaatitaaffilinnut siulequtsiilluni(aallaqqaatissatut aningaasaliineq). Siulequtsiineq § 3, imm. 4 naapertorlugu naatsorsorneqassapput.

§ 45 g-mut

Naalackersuisut imaluunniit kommunalbestyrelsi piginneqatigiilluni inissiatillit peqatigiiffianni piginneqataasutut ataasiinnartut ilaalissapput, piginneqataasutullu inissiat ataasiakkaarlugit atuinissamut pisinnaatitaaffilinnut nammineerluni ineqarnermut akitsuut akilertassallugu. Ineqarnermut akitsuut piginneqatigiilluni inissiatillit peqatigiiffiannit Piginneqatigiilluni inissiat pillugit Inatsisartut inatsisaat aamma piginneqatigiilluni inissiatillit peqatigiiffiata ileqqoreqqusai naapertorlugit aalajangersarneqassapput.

§ 45 h-mut

Imm. 1-imut

Naalackersuisut aamma kommunalbestyrelsi piginneqatigiilluni inissiat allanngortitat attartoreersunut neqeroorutigissallugit pisussaaffeqarput. Naalackersuisut aamma kommunalbestyrelsip piginneqatigiilluni inissiat tigummiinnarsinnaanngilaat.

Piginneqatigiilluni inissiat inoqanngitsut piginneqatigiilluni inissiatillit peqatigiiffiat aqqutigalugu tuniniarneqassapput.

Imm. 2-mut

Naalackersuisut aamma kommunalbestyrelsip piginneqataassutit atuinissamut pisinnaatitaaffillit Piginneqatigiilluni inissiat pillugit Inatsisartut inatsisaat aamma piginneqatigiilluni inissiatillit peqatigiiffiata ileqqoreqqusai naapertorlugit piginneqatigiilluni inissiamut akeq pitsaanerpaaq anguneqarsinnaasoq atorlugu tunissavaat. . Piginneqataassummut pisinermi akigitinneqartoq aningaasanngorlugu akilerneqassaaq. Minnerpaatut akigititassaq, akikilliliinissamullu periarfissaq pillugit imm. 3-mi aalajangersagaqarpoq.

Piginneqataassutit piginneqatigiilluni inissiamut atuinissamut pisinnaatitaaffillit piginneqatigiilluni inissiatillit peqatigiiffiat aamma Piginneqatigiilluni inissiat pillugit Inatsisartut inatsisaat aamma piginneqatigiilluni inissiatillit peqatigiiffiata ileqqoreqqusai naapertorlugit tunineqassapput. Taamaattoq piginneqatigiilluni inissiatillit peqatigiiffiata piginneqataassutip attartortumut tunniunnissaa itigartitsissutigisinnaanngilaa, attartortullu illuutip piginneqatigiilluni inissiatillit peqatigiiffianut tunniunnerani piginneqatigiilluni inissiami najugaqarsimasup piginneqatigiilluni inissiami attartortutut nalinginnaasutut najugaqaannarnissaa itigartitsissutigisinnaanagu.

Imm. 3-mut.

Piginneqataassutsimik pisinermi aki tamarmiusoq aallaavittut § 67 naapertorlugu aalajangersarneqassaaq. Taamaattorli piginneqatigiilluni inissiatillit peqatigiiffii pilersinneqarlaajummata, pilersitsinerullu kingorna piginneqataassutit tuniniarneqassammata Naalackersuisut, kommunalbestyrelsillu piginneqataassutsimik tunisinerini aki tamarmiusoq nammineq akiliutigisanit appasinnerutinneqarsinnaanngilaq.

Piginneqatigiilluni inissiatillit peqatigiiffiata pisortat attartortittagaataannik piginneqatigiilluni inissiatut tigusineranit qaammatinit aqqaneq-marlunnit kingusinnerusumit tunisinerini, nammineerluni akiliutip 20%-ia tikillugu akikilliliissuteqartoqarsinnaavoq. Taamaalilluni qaammatit aqqaneq-marluk sinnerlugit tunineqarsimannginnera, ujartuisoqannginneratut isigineqassasoq pingaartinneqarpoq.

Naalackersuisut, kommunalbestyrelsilu akikilliliinatik, tuniniaajunnaarlutillu piginneqatigiilluni inissiaq piffissap ilaani attartortikkallaannassanersoq nalilersinnaavaat, tak. siunnersuut §45i.

Imm. 4-mut.

Naalackersuisut imaluunniit kommunalbestyrelsi piginneqatigiilluni inissiaq inoqanngitsoq tunineqartussaattillugu piginneqatigiilluni inissiatillit peqatigiiffianut nalunaaruteqassapput.

Piginneqatigiilluni inissiatillit peqatigiiffiat Piginneqatigiilluni inissiat pillugit Inatsisartut inatsisaanni kapitali 4 a naapertorlugu piginneqatigiilluni inissiap inoqanngitsup tuninissaanut ingerlatitseqqissaaq.

Piginneqatigiilluni inissiatillit peqatigiiffiat piginneqataassummut pisisussamik nassaanngippat piginneqatigiilluni inissiatillit peqatigiiffiata inoqanngitsoq tuniniarlugu tamanut saqqummiutissavaa. Tuniniaaneq assersuutigalugu nuna tamakkerlugu aviisitigut, najukkani aviisitigut imaluunniit facebookimi quppernertigut eqimattatigulluunniit pisinnaavoq. Tunisineq aamma illuutininik tuniniaasartoq aqutugalugu pisinnaavoq.

§ 45 i-mut

Naalakkersuisut aamma kommunalbestyrelse piginneqatigiilluni inissiap inoqanngitsup tuniniarnissaanik pinngitsoortitsisinnaapput inissiarlu piginneqataaffigineqartoq allamut attartortilerlugu.

Illuutip attartortittakkap piginneqatigiilluni inissiatillit peqatigiiffiannut allanngortinnerani piginneqatigiilluni inissiatillit peqatigiiffiat piginneqatigiilluni inissianik inoqanngitsunik peqarsinnaavoq kingusinnerusukkulluunniit peqalersinnaalluni. Piginneqatigiilluni inissianik amerlanerusinnaasunik tunisinissap ataatsikkut neqeroortiginera sumiiffimmi pineqartumi inissianut nammineq pigisanut akit pilernissaannut sunniuteqarsinnaassaaq. Taamaammallu piginneqatigiilluni inissianik inoqanngitsunik tuniniaanerup akuttoqatigiissillugu pisarnissaa anguniarneqartariaqarpoq, matumani inissianut nammineq pigisanut neqeroornerit piumanerillu akornanni sapinngisamik pigiinnarnissaat anguniarlugu.

Taamaammat Naalakkersuisut aamma kommunalbestyrelsi piginneqatigiilluni inissiat inoqanngitsut tuniniarneqassanngitsut, paarlattuanillu niuerfiup naliginnaasumik ingerlaleqqinnissaata tungaanut attartortinnissaannik aalajangiisnaapput,.

Naalakkersuisut aamma kommunalbestyrelsi taakkuupput piginneqatigiilluni inissiat inoqanngitsut neqeroortiginissaat ilimanarsinnaanersoq pillugu nalilersuisussat, tassalu nammineerluni inissiatinut akinut sunniuteqarsinnaassanersut. Naalakkersuisut aamma kommunalbestyrelsi tamatuma nalilersuiffiginissaanut atugassanik ilassutissanik sullissisartunit attuumassutilinnit pissarsiniarsinnaapput, taakkunungalu illuutininik tuniniaasartut aningaaseriviillu aningaasaliisartut attuumassutilinnut ilaapput.

Imm. 2-3-mut

Allamut attartortitsisarneq piunasaqaatit piffissamik killilikkat atorlugit sivitsuinissamut periarfissaqartitsilluni pisassaaq. Allamut attartortitsinerup sivitsuiffiginissaa pillugu aalajangiinissaq sioqqullugu Naalakkersuisut aamma kommunalbestyrelsi piginneqataassutip tuninissaanut periarfissamik nutaamik nalilersuissapput.

Piginneqatigiilluni inissiamik inoqanngitsumik allamut attartortitsinissaq pillugu isumaqatigiissut tamatuma saniatigut Piginneqatigiilluni inissiat pillugit Inatsisartut inatsisaanni § 63-65-mi tunngavigineqartut iluanni aamma pisassaaq.

§ 45 j-imut

Imm. 1-imut

Attartortoq, inigisaminik attartortittakkamik piginneqatigiilluni inissiatut tigusinissamik kissaateqanngitsoq inissiami attartortutut najugaqaannarsinnaavoq. Attartortutut suna pillugu inissiaq attartortittagaq inissiatut piginneqatigiiffittut tigorusunnginnerlugu tunngavilersuisariaqanngilaq.

Attartornermi isumaqatigiissut naapertorlugu, attartornermullu inatsit atuuttoq naapertorlugit, piunasaqaatit allanngortinnagit attartornermi isumaqatigiissut ingerlateqqinneqassaaq. Piginneqatigiilluni inissiannortitsineq attartortup qinnuteqarneratigut pitillugu, § 42, imm. 1, nr. 1 naapertorlugu pisinnaatitaaffimmut tamanna naapertuuppoq. Taamaakkaluartoq attartortup qinnuteqarneratigut piginneqatigiilluni inissiamik allanngortitsisoqartillugu inissiamik attartortittakkamik allamik tunisisoqarsinnaaneratigut, attartortoq inissiamik attartortittakkamik allamik tunineqarsinnaanngilaq.

Imm. 2-mut

Naalackersuisut imaluunniit kommunalbestyrelsi piginneqatigiilluni inissiatillit peqatigiiffianni inissianut attartortunit sulii najugaqarfigineqartunut atuinissamut pisinnaatitaaffeqlutik inississinnaapput. Tamanna piginneqatigiilluni inissiatillit peqatigiiffiata illuummik tamarmiusumik tigusineranut naapertuuppoq. Naalackersuisut kommunalbestyrelsilu piginneqataasut attartortitsisutullu attartortup iliuusaanut, iliuuseqarfiginngisaanut piffissamilu attartorfiusumi suliaanut allanut piginneqatigiilluni inissiatillit peqatigiiffiannut tunngatillugu akisussaapput. Attartortoq § 65 malillugu pisinnaatitaaffimminut annikillisaaffigineqarnerminik allakkatigut ilisimatinneqassaaq.

Piginneqatigiilluni inissiatillit peqatigiiffiat piginneqatigiilluni inissianut Naalackersuisut kommunalbestyrelsillu atuinissamut pisinnaatitaaffeqarfigisaannut tunngatillugu Naalackersuisunut kommunalbestyrelsinullu ineqarnermut akitsuummik akiliisitsissaaq.

Imm. 3-mut.

Naalackersuisut kommunalbestyrelsilu Inissianik attartortitsisarneq pillugu Inatsisartut peqqussuttaat naapertorlugu attartortunut sinneruttunut ineqarnermut akiliutinik akiliisitsiniassapput. Ineqarnermut akiliut Namminersorlutik Oqartussat kommunillu inissiaataannut attartortittakkanut malittarisassat qaqumulluunniit atuuttut malillugit allanngortinnagu naatsorsuiffigineqassaaq.

Imm. 4-mut

Eqqissimasussaatitaanermut ileqqorissaartoqarnissaalu pillugit ileqqoreqqusani aalajangersakkat piginneqatigiilluni inissiatillit peqatigiiffiannit akuerineqartut attartortunut illuummi najugaqaannartunut pituttorsimassapput. Attartortup piginneqataanermigut attartortortitsisorisaminit, tassalu Naalakkersuisut imaluunniit kommunalbestyrelsi, pitsaanagerusumik pisinnaatitaaffeqlersinnaanngilaq. Assersuutigalugu eqqissimasussaatitaanermut ileqqorissaarnissamullu malittarisassat unioqqutinneqarnerisa piginneqatigiilluni inissiatillit peqatigiiffiannit anisitaanissamik kinguneqartitsisinnaasut alloriarfiuniarpata tamanna taamaasilluni attartortumut toqqaannartumik nuunneqarsinnaassaaq.

Naalakkersuisut kommunalbestyrelsilu piginneqatigiilluni inissiamut kalluarneqartumut tunngatillugu piginneqataasutut ingerlaannarnissamik kissaateqarunik Naalakkersuisut kommunalbestyrelsilu piginneqataasutut ilaasortaajunnaarsitsinissamut pissutaasoq peertariaqarpaa. Tamanna inissianik attartortitsisarneq pillugu Inatsisartut peqqussutaat atuuttoq naapertorlugu, attartortup attartornermut isumaqatigiissutaata atorunnaarsinneratigut, taamaallaat pisinnaavoq.

Nr. 8-imut

Aalajangersagaq allannguutissatut siunnersuummi kapitali 4a-p kinguneraa, tamatumalu kingunerissavaa Naalakkersuisut piffissami aalajangersimasumi piginneqatigiilluni inissiatillit peqatigiiffiani piginneqataasutut inississinnaanissaat.

Naalakkersuisut kommunalbestyrelsi sanaartortitsisorlu namminersortoq assigalugit piginneqatigiilluni inissiatillit peqatigiiffiannut ilaasortanngorsinnaammata piginneqatigiillunilu inissiaq ataaseq sinnerlugu atuinissamut pisinnaatitaaffeqlersinnaammata erseqqissarneqarpoq.

Naalakkersuisut, kommunalbestyrelsi imaluunniit sanaartortitsisoq namminersortoq inatsisitigut tunngavissaq alla atorlugu piginneqatigiilluni inissiatillit peqatigiiffiannut aammalu piginneqatigiilluni inissiamut atuinissamut pisinnaatitaaffeqlarluni ilaalersinnaassappata inatsisitigut inissisimaneq kisimi § 49, imm. 4-mi aalajangersarneqartussaavoq. Naalakkersuisut, kommunalbestyrelsi sanaartortitsisorlu namminersortoq kapitali 3 aamma 4-mi aamma massakkut allannguutissatut siunnersuummi kapitali 4a-mi aalajangersarneqartut naapertorlugit piginneqatigiilluni inissiatillit peqatigiiffiani piginneqataasutut taamaallaat inississinnaapput.

Nr. 9-mut

Imm. 1-imut

Inatsisitigut pisinnaatitaaffioreersup allangortinneqarnissaa allannguuteqarnermi siunertaanngilaq. Piginneqatigiilluni inissiaq najugaqarfittut atorneqarnissaa pillugu pingaarnertut malittarisassaq ersarissassallugu naleqqussorineqarpoq. Aalajangersagaq

Piginneqatigiilluni inissiat pillugu Inatsisartut inatsisaanni § 61-imik ilaneqarpoq, tassani piginneqataasup najugaqartussaataitanera aalajangersarneqarmat.

Piginneqatigiilluni inissiap najugaqarfigineqarsinnaanerata saniatigut inissiaq siunertanut allanut atorneqaqqusaanngilaq. Tamanna Inatsisartut inatsisaata atuuffianut naapertuuttuunersoq Naalakkersuisut imaluunniit kommunalbestyrelsi piginneqatigiilluni inissiaatillit peqatigiiffiannut taarsigassarsiniarnerannut tunngavissarititaasunut naapertuutissaaq, soorluttaaq piginneqatigiilluni inissiamik peqatigiiffiliornissaq siunertaralugu.

Illuut attartortittakkami pioreersumi inuussutissarsiutitigut atuinnissaq pioreersoq mininneqarpoq, taannalu Naalakkersuisunit kommunalbestyrelsimiillu piginneqatigiilluni inissiaatillit peqatigiiffiannut tunniunneqartussaavoq, takuuk § 45 aamma § 45 e.

Imm. 2-mut

Piginneqatigiilluni inissiaatillit peqatigiiffianni ilaasortap piginneqatigiilluni inissiamut atuinnissamut pisinnaatitaaffillip taassumalu inoqutigiivisa inissiamiit piginneqatigiiffiusumit inuussutissarsiummik namminersorfiusumik mikinerusumik ingerlatsisinnaanerata ataatsimeersuartitsisunit akuersissutigineqarsinnaavoq.

Inuussutissarsiortut namminersortut mikinerusut pisisartut/atuisartut pulaartarnerannik kinguneqartitsissanngillat.

Ataatsimeersuartitsinerup qinnuteqaammik piginneqataasumeersumik akuersisarnissaa inatsisitigut piumasaqaatinik malitseqaanngilaq. Akuersissut piffissamut killilerlugu erseqqinnerusunillu piumasaqaatitalerlugu nalunaarutigineqarsinnaavoq.

Ataatsimut isigissagaanni inissiami inuussutissarsiummut mikisumut namminersorfiusumut inuussutissarsiteqarfik inissiap ilaanuinnag atuussinnaassaaq. Inuussutissarsiutini mikinerusuni namminersorfiusuni assersuutitut allaffiit kukkunerisuiisarfiit mikinerusunut imaluunniit allaffiit ussassaarisartut taaneqarsinnaapput. Inuussutissarsiutit mikinerusut namminersorfiusut piginneqatigiilluni inissiaatillit peqatigiiffianni ilaasortamiit piginneqatigiilluni inissiamut atuinnissamut pisinnaatitaaffilimmiit ingerlanneqartartussaammata atorfeqartitaasut piginneqatigiilluni inissiami sulinerminnik ingerlataqarlutik attuumassutillit atorfeqaqqusaasussaannngillat.

Piginneqatigiilluni inissiap piginneqatigiilluni inissiaatillit peqatigiiffianni ilaasortaasumit taassumalu inoqutigiivinit najugaqarfissatut atuinerup saniatigut siunertanut allanut atorneqartarnissaa, assersuutigalugu unnuiffiullunilu ullaakkorsiortarfittut, airbnb-itut, gæstehjemmit, tikeraartunut ineeqqatut, akunnittarfeeqqatut, ineeqqatut, akunnittarfittut allatulluunniit, siunertanut allanut atorneqartarnissaa najugaqarfissatut taaneqartunut

ilaassanngilaq. Assinganik assersuutigalugu ineeqqamik suliffeqarfiup sulisut, tikeraartut imaluunniit angalasut inissaqartinnissaannut attartortinneqarnera inissiatut atorneqartussatut ilaasussaannngilaq.

Nr. 10-mut

Naalakkersuisut, kommunalbestyrelsip sanaartortitsisullu namminersortup piginneqatigiilluni inissiami najugaqarnissamut pisussaaffeqanngikkaluarlutik piginneqatigiilluni inissiamut atuinissamut pisinnaatitaaffeqarlutik piginneqatigiilluni inissiaatillit peqatigiiffiannut ilaasortanngorsinnaanerat erseqqissaaffigineqarpoq.

§ 2-mut

Imm. 1-imut

Siunnersuut ulloq 1. januar 2025 atortussanngussasoq siunnersuutigineqarpoq.

Imm. 2-mut

Illuutit attartortittakkat atuinissamut akuersissummik ulloq 1. januar 2025 imaluunniit tamatuma kingorna tunineqarsimasut siunnersuummi kapitali 4 a naapertorlugu piginneqatigiilluni inissiatut allanngorteqqusaanngillat.

Ilanngussaq 1

Siunnersuut inatsisinut atuuttunut assersuullugu	
<i>Oqaasertaliunneqartut atuuttut</i>	<i>Siunnersuut</i>
<p>§ 8. Piginneqatigiilluni inissiami inigisap annertussusaa inissiami init tamarmik annertussusaattut naatsorsorneqassaaq. Pequusiviit, quit, aneursuartarfiit, biilinit oqquisitsiviit biililluunniit unittarfii qulisat, illup silammut iigaasa avataaniittut imaluunniit inissiamit immikkoortillugit inissitat, oqorsarlugit inigisassatut atorneqassanngippata, naatsorsuinermi ilanngunneqassanngillat</p> <p><i>Imm. 2.</i> Inissiap annertussusaa imatut naatsorsorneqassaaq:</p> <p>1) Naqqup ataani inigisap annertussusaa, naqqup ataata silammut iigaaniit takissusaa silissusaa amerlisillugu, uuttorneqassaaq. Naqqup ataa tamakkerluni atorneqanngippat, iikkat ilorliit, ininut naatsorsuinermi ilaatinneqartunut killiliisut qeqqiniit inigisap annertussusaa naatsorsorneqassaaq. Init naqqi tamakkerlutik cementimik betonimilluunniit qalligaanngitsut naatsorsuinermit ilaatinneqassanngillat.</p> <p>2) Inini quleriiaani nalinginnaasuniittuni, inissiami ataatsimi silataani iikkamiit imaluunniit qaliata silataaniit, takuuk nr. 3, aamma inissiat akunnequtaasa qeqqanniit uuttorlugu, takissusaa silissusaa amerlisillugu, inigisap annertussusaa naatsorsorneqassaaq. Ilaqutariinnut arlalinnut inissiani illup isui naatsorsuinermi inissiat akunnequtaasa affaattut ilanngunneqassapput. Qisuit qalliutit</p>	<p style="text-align: center;">§ 1</p> <p>1. § 8, imm. 5 imatut oqaasertalerneqassaaq: ” <i>Imm. 5.</i> Imm. 2-4 malillugit inissiap annertussusaa naatsorsuiffiginerani inissiami majuartarfinnut ilanngaateqartitsisoqassanngilaq. Torsuusat, majuartarfiit majuartarfiillu sangoriaat ataatsimoorussatillup silammut iigaasa iluini inini kiassakkani inissisimasut angissusaannut naapertuuttumik uuttortaanermut ilanngunneqassapput, taamaattorli annerpaamik 11 kvadratmeterinik annertussusilerneqassallutik.”</p> <p>2. § 8-mi imm. 6-tut ilanngunneqassaaq: ” <i>Imm. 6.</i> Naalakkersuisut inissiap annertussusaa sanaartornermi iluserineqartut tulluartippassuk imaluunniit pisariaqartippassuk imm. 2-5-imut saneqqutsisut naatsorsuiffiginissaannut akuersissuteqarsinnaapput.”</p>

<p>marluuppata, silataani qisummit allermiit uuttuisoqassaaq. Qisuit qalliutit ataasiuppata marluuppataluunniit silataani qisummit allermiit uuttuisoqassaaq.</p> <p>3) Qaliani inigisap annertussusaata naatsorsornerani illup takissusaa silissusaanut amerlisillugu naatsorsorneqassaaq. Takissusaa inini quleriiaani ataatsitut nalinginnaasutut uuttorneqassaaq, silissusaalu illup silataani qaliat qaavisa qaliap naqqaniit 1,5 meterinik portussuseqartut akornanni ungasissusaattut uuttorneqassalluni. Aniinganerit, soorlu qaliani aniinnganernit iikkat inimut killiliissutaasut silataannut uuttorneqassapput</p> <p><i>Imm. 3.</i> Naqqup ataani qalianilu init imm. 2, nr. 1-imi aamma 3-mi taaneqartut aatsaat najugassatut ilusilersorneqarsimappata, init annertussusaat uuttortaanermut ilanngunneqassapput.</p> <p><i>Imm. 4.</i> Periarfissat aalajangersimasumik nateqanngitsut ilanngullugit naatsorsuiffigineqanngillat, taamaattoq imm. 5 takuuk.</p> <p><i>Imm. 5.</i> Inissiami majuartarfiit quleriiaanut immikkut ilanngullugit naatsorsuiffigineqassapput. Torsuusat, majuartarfiit majuartarfiillu sangoriaat ataatsimoorussat, illumi ininut kiassakkanut qallersuutit iluiniittut naapertuuttumik, annerpaamilli 11 m²-inik annertussusilerlugit naatsorsuinermi ilanngunneqassapput.</p>	
	<p>3. Immikkoortumut qulequtaq ”Taarsigassarsititsinissamik neriorsuuteqarneq” sioqqullugu 10-p kingorna ilanngunneqassaaq:</p> <p>” § 10 a. Namminersorlutik Oqartussanut nunatsinnilu kommuuninut qularnaveeqqusiussaqaarluni</p>

	<p>taarsigassarsititsinermut allagaq aamma akiitsunut uppernarsaat illuliortiterneq pillugu Inatsisartut inatsisaat manna imaluunniit siusinnerusukku inatsisaasut naapertorlugit tunniunneqartut kaaviiartitanut, qularnaveeqquisiisarnernut imaluunniit akiliisitsisussamit malersorneqarnissamut atorneqarsinnaanngillat.”</p>
<p>§ 13. Kommunalbestyrelsip qinnuteqaat akuerippagu, kommunalbestyrelsi taarsigassarsititsinissamik neriorsuummik tunniussissaaq, tassanilu taarsigassarsiarititassat amerlassuserigallagassaat taarsigassarsititsinermullu atugassarititaasut allassimassapput.</p> <p><i>Imm. 2.</i> Taarsigassarsiarititassat inaarutaasumik annertussusissaat, sanaartornermut naatsorsuutit arlaannaannulluunniit attuumassuteqaqngitsumit akuerisat tunngavigalugit naatsorsorneqassapput.</p> <p><i>Imm. 3.</i> Sanaartornermut aningaasartuutissanut missingersuusiat, taarsigassarsiat akuerineqarnerannut tunngaviusimasut allannguuteqarpata, aammalu allannguutit taarsigassarsiat inaarutaasumik annertussusissaannut sunniuteqartussanngorpata, piginneqatigiilluni inissiatillit peqatigiiffiata tunngavissaqanngitsumik kinguarsaanertaqanngitsumik tamanna kommunalbestyrelsimut nalunaarutigissavaa. Tamanna pinngippat taarsigassarsiat inaarutaasut neriorsuutigineqartunit annertunerulersinneqarsinnaanngillat.</p>	<p>4. § 13, imm. 2 imatut oqaasertalerneqassaaq: ” <i>Imm. 2.</i> Taarsigassarsiat annertussusissaat sanaartukkanut naatsorsuutit inaarutaasut tunngavigalugit naatsorsorneqassapput. Sanaartornermut naatsorsuutini piginneqatigiilluni inissiat sanaartornerannut atasumik aningaasartuutinngortut tamarmik ilanngunneqassapput. Sanaartukkanut naatsorsuutit kukkunersiuisartumit nalunaarsorneqartumit, kukkunersiuisumit naalagaaffimmit akuerisaasumit imaluunniit Kalaallit Nunaanni aningaaserivimmit uppernarsarneqarsimassapput.”</p>
<p>§ 22. Sanaartorneq kommunalbestyrelsimit taarsigassarsititsinissamik neriorsuutitut allakkiap suliarineqarnerani ulluliussamiit</p>	<p>5. § 22, imm. 2 imatut oqaasertalerneqassaaq:</p>

<p>ukiut marluk qaangiutsinnagit aallartinneqarsimassaaq, aammalu ukiut pingasut qaangiutsinnagit naammassineqarsimassalluni atorineqalersimassallunilu. Tamanna pinngippat neriorsuut siumut ilisimatitsinertaqaanngitsumik atorunnaarsineqassaaq.</p> <p><i>Imm. 2.</i> Piginneqatigiilluni inissiaatillit peqatigiiffiat taarsigassarsititsinissamik neriorsuutitut allakkiap suliarineqarnerani ulluliussamiit ukiut marluk qaangiutsinnagit sanaartorneq aallartinneqareersimanersoq aallartinneqareersimannginnersorluunniit pillugu paasissutissanik kommunalbestyrelsimut nassiussissaaq. Sanaartorneq aallartinneqareersimappat tamanna pillugu nalunaarut, piginneqatigiilluni inissiaatillit peqatigiiffiata suliarisimasaa, aammalu kommuunimi teknikkimut ingerlatsivimmit sumiiffimmiittumit uppersarsarneqarsimasoq ilanngunneqassaaq.</p> <p><i>Imm. 3.</i> Sanaartornerup kinguaattoornerani kommunalbestyrelsip inassuteqareerneratigut imm. 1-imi piffissamut killissarititassatut allassimasut saneqqunneqarnissaannut immikkut ittumik Kommunalbestyrelsi akuersissuteqarsinnaavoq.</p> <p><i>Imm. 4.</i> Piginneqatigiilluni inissiaatillit peqatigiiffiata taarsigassarsititsinissamik neriorsuutitut allakkiap suliarineqarnerani ulluliussamiit ukiut pingasut qaangiutsinnagit kommunalbestyrelsimut atuilernissamut akuersissutip assilineranassiutissavaa.</p>	<p>” <i>Imm. 2.</i> Neriorsuutitut allakkiap suliarineqarnerani ulluliunneqartumit ukiut marluk qaangiutsinnagit sanaartugassaaq aallartinneqarsimanersoq, aallartinneqarsimannginnersorluunniit pillugu sanatitsisoq kommunalbestyrelsimut paasissutissanik nassitsissaaq. Sanaartugassaaq aallartinneqarsimassappat, tamanna pillugu sanatitsisup uppersarsagaanik, sumiiffimmilu kommunimi teknikkimut ingerlatsiviup uppersarsagaanik uppersarsaat ilanngullugu nassiunneqassaaq.”</p> <p>6. § 22, imm. 4, imatut oqaasertalerneqassaaq:</p> <p>” <i>Imm. 4.</i> Neriorsuutitut allakkiap suliarineqarnerani ulluliunneqartumit ukiut pingasut qaangiutsinnagit kommunalbestyrelsimut atuilernissamut akuersissutip assilineranassiutissavaa.”</p>
	<p>7. Kapitali 4-p kingorna ilanngunneqassaaq:</p>

	<p style="text-align: center;">“ Kapitali 4a</p> <p style="text-align: center;"><i>Namminersorlutik Oqartussat kommunillu inissiaataat attartortittakkat piginneqatigiilluni inissiatut allanngortinneqassapput.</i></p> <p>§ 45 a. Naalakkersuisut imaluunniit kommunalbestyrelsip illuutip attartortittakkap pioreersup piginneqatigiilluni inissiatut najugassanngorlugu allanngortinnissaanut aalajangiisinnaapput. Allanngortitsinissaq illuutit attartortittakkat pioreersut Naalakkersuisut imaluunniit kommunalbestyrelsip piginneqatigiilluni inissiaatillit peqatigiiffiannut pilersinneqartumut ataatsimut tunisinikkut pissaaq.</p> <p><i>Imm. 2.</i> Naalakkersuisut imaluunniit kommunalbestyrelse piginneqatigiilluni inissiaatillit peqatigiiffianni inissianut tamanut atuinissamut pisinnaatitaaffik atorlugit piginneqataasutut ilaalissapput.</p> <p>§ 45 b. Naalakkersuisut imaluunniit kommunalbestyrelsi allanngortitsisoqarnissaanut aamma piginneqatigiilluni inissiaatillit peqatigiiffiata pilersinneranut atasumik pisortat innaallagissamik, imermik, kiassarnermik aqqusersuutinillu pilersuinerannut illuutinik attartortitsisoq piginneqatigiillunilu inissiaatillit peqatigiiffiat aalajangiinissamut pisussaaffeqalernissaannik, tassungalu piumasaaqatinik aalajangersaasarnissamik, peqqusinnaavai.</p> <p>§ 45 c. Naalakkersuisut imaluunniit kommunalbestyrelsi illuliortiternernut ilisimasalimmik atorfinitsitsissapput, taannalu illuutitut attartortittakkanut qanoq</p>
--	--

	<p>issusermut nalunaarusiamik suliaqassaaq. Naalackersuisut imaluunniit kommunalbestyrelsi ataaseq sulianut ilisimasalimmik kimulluunniit attuumassuteqanngitsumik atorfinitsitsissapput, taannalu illuutit attartortittakkap niuerfinni naleritinneqartumik naatsorsuissaaq.</p> <p><i>Imm. 2.</i> Qanoq issutsinut nalunaarusiat, niuerfinnilu naleritinneqartumik naatsorsuinissaaq pillugit Naalackersuisut malittarisassanik aalajangersaasinnaapput.</p> <p>§ 45 d. Illuutit attartortittakkat pioreersut piginneqatigilluni inissiaatillit peqatigiiffiannut tunineranni pisinermi inerniliunneqartoq piumasaaqatillu allat Naalackersuisunit imaluunniit kommunalbestyrelsimit aalajangersarneqassapput.</p> <p><i>Imm. 2.</i> Illuut attartortittagaq niuerfinni akigitinneqartoq atorlugu tunineqassaaq, taamaattoq inissiaq tamakkerlugu minnerpaamik 7.000 kr./m²-imut akeqassaaq. Naalackersuisut Inatsisartut Aningaasaqarnermut Akileraartarnermullu Ataatsimiititaliaata akuersissuteqarneratigut illuut attartortittagaq akigitinneqartumit minnerpaaffiusumit akikinnerutillugu tunisinnaavaat. Kommunalbestyrelsi Naalackersuisut akuersissuteqarnerisigut illuut attartortittagaq akigitinneqartumit minnerpaaffiusumit akikinnerutillugu tunisaqarsinnaavoq.</p> <p>§ 45 e. Naalackersuisut kommunalbestyrelsillu piginneqatigiilluni inissiaatillit peqatigiiffiata illuummik attartortittakkanik inissiartaqartumik tigusineranut atatillugu, atugassarititaasut sukumiinerusumik isumaqatigiissutaareersut</p>
--	---

	<p>tunngavigalugit piginneqatigiilluni inissiatillit peqatigiiffiannit ininik attartornissamut pisinnaatitaaffeqarnissani piumasarisinnaavaat. Taamatuttaaq tigusinermi attartortut allalluunniit illuummut tunngatillugu atuisinnaatitaasut, tassunga ilaallutik inuussutissarsiutinik ingerlatsinissamik pisinnaatitaaffeqartut, tigusinermi pisinnaatitaaffeqarnerisa atuutiinnarnissaat piumasarineqarsinnaavoq.</p> <p>§ 45 f. Naalackersuisut imaluunniit kommunalbestyrelsi illuummik attartortittakkamik Naalackersuisunit imaluunniit kommunalbestyrelsimit piginneqatigiilluni inissiatillit peqatigiiffiata pisineranut taarsigassarsititsissapput. §§ 3-10 assinganik atorpeqarput, taamaattoq takuuk imm. 2.</p> <p><i>Imm. 2.</i> Naalackersuisut imaluunniit kommunalbestyrelse pisortat taarsigassarsiarititaannut, tigusinerup nalaanni amigartumik aserfallatsaaliuisoqarsimaneranut uppersarneqartup pilerseqqinnissaanut piginneqatigiilluni inissiatillit peqatigiiffiannut taarsigassarsiaritinneqartunut, tulleriarinermut uppersaanissamik nalunaaruteqarsinnaapput.</p> <p><i>Imm. 3.</i> Naalackersuisut imaluunniit kommunalbestyrelsi piginneqatigiilluni inissiatillit peqatigiiffiani inissianut piginneqataaffiusunut immikkut nammineerluni aningaasaliissutissanik akiliuteqassapput.</p> <p>§ 45 g. Piginneqatigiilluni inissiatillit peqatigiiffiannut inissiamut akitsuummumut inissianut piginneqatigiiffimmumut atuinissamut pisinnaatitaaffimmumut ilaasumut aalajangersaaffigineqartumut</p>
--	--

	<p>piginneqatigiilluni inissiatillit peqatigiiffiat Naalakkersuisunut imaluunniit kommunalbestyrelsimut akiliisitsiniassapput.</p> <p>§ 45 h. Piginneqatigiilluni inissiat kapitalimut uunga ilaasut allannqortitsisoqareernerata kingorna piginneqatigiilluni inissiatillit attartortuinut pioreersunut tuniniarnissaat neqeroorutigineqassaaq. Piginneqatigiilluni inissiat inoqanngitsut imaluunniit inoqarunnaartut tuniniarnissaat neqeroorutigineqassaaq.</p> <p><i>Imm. 2.</i> Naalakkersuisut imaluunniit kommunalbestyrelsip piginneqatigiilluni inissiamik tunisineq akeq anguneqarsinnaasoq pitsaanerpaaq atorlugu, taamaattoq tak. imm. 3, aammalu massakkut inatsisartut inatsisaat atuuttoq peqatigiiffiullu ileqqoreqqusai naapertorlugit piginneqatigiilluni inissiatillit peqatigiiffiat aqutigalugu pissaaq. Taamaattoq piginneqatigiilluni inissiatillit peqatigiiffiat piginneqatigiilluni inissiap attartortumut pioreersumut tunineqarnissaanut akerliusinnaanngilaq.</p> <p><i>Imm. 3.</i> Piginneqatigiilernermi pisinermi akia tamarmiusoq minnerpaamik Naalakkersuisut imaluunniit kommunalbestyrelsip nammineerluni akiliutigisimasaasa naleqqatigissavaa. Inissiatillit peqatigiiffiata piginneqatigiilluni inissianik tigusineranit qaammatinut aqqaneq-marlunnit kingusinnerusumit piginneqataassutsimik tunisinermi Naalakkersuisut imaluunniit kommunalbestyrelsip nammineerluni akiliutimi 20%-ia tikillugu akikilliliissuteqarluni piginneqataassutsinik tunniussisinnaavoq.</p>
--	---

	<p><i>Imm. 4.</i> Piginneqatigiilluni inissiatillit peqatigiiffiat pissutissaqarnani uninngaqaarnani piginneqataassutinik tuniniaasinnaavoq. Piginneqatigiilluni inissiatillit peqatigiiffiat piginneqataassutinut inummik pisisussamik takutitsisinnaangippat, piginneqatigiilluni inissiatillit peqatigiiffiata piginneqataassut tamanut tunisassanngorlugu pilerisaarutigissavaa.</p> <p>§ 45 i. Naalackersuisut imaluunniit kommunalbestyrelsi piginneqatigiilluni inissiap inoqanngitsup tuniniarnissaanik pinngitsoortitsisinnaapput inissiarlu piginneqataaffigineqartoq allamut attartortilerlugu. Attartortitseqqinneq piginneqatigiilluni inissiap tuninissaa piginneqatigiilluni inissianut, inissianut pigisanut aamma inissianut nammineq pigisanut sumiiffimmi pineqartumi niuerfinni akigitinneqartunut malunnaatilimmik ajortumik sunniuteqarsinnaanera ilimanarsimappat pisinnaavoq.</p> <p><i>Imm. 2.</i> Allamut attartortitsineq taamaallaat atugassarititaasut piffissamut killiligaasut tunngavigalugit aammalu qaammatit 12-ikkaarlugit pisinnaavoq, qaammatit 6-ikkaarlugit sivitsuisarnissaq periarfissaqarluni. §§ 63-65 taamaaqataanik atuutissapput.</p> <p><i>Imm. 3.</i> Attartortitseqqinnermik isumaqatigiisummik sivitsuisoqartinnagu piginneqataassutsip tunineqarnissaanut periarfissat Naalackersuisut imaluunniit kommunalbestyrelsip nutaamik naliliiffigissavaat.</p> <p>§ 45 j. Attartortoq, inigisaminik attartortittakkamik piginneqatigiilluni inissiatut tigusinissamik kissaateqanngitsoq, inissiamini attartortittakkami</p>
--	--

	<p>najugaqaannarsinnaavoq.</p> <p><i>Imm. 2.</i> Naalakkersuisut imaluunniit kommunalbestyrelsi piginneqataasutut, attartortup piffissami attartorfiusumi iliuuseqarnerinut, iliuuseqannginnerinut aamma aalajangiinerinut allanut, piginneqatigiilluni inissiaatillit peqatigiiffiannut tunngatillugu, akisussaasuvoq. Attartortoq § 65 malillugu nammineerluni pisinnaatitaaffimminik killilersuiffiqineqarnissaa pillugu allakkatigut ilisimatinneqassaaq.</p> <p><i>Imm. 3.</i> Attartortumut inissiami najugaqaannartumut ineqarnermut akiliut Namminersorlutik Oqartussat kommunillu inissiaataannut attartortittakkanut ineqarnermut akiliutit naatsorsortarnissaannut malittarisassat nalinginnaasut qaqugumulluunniit atuuttut malillugit aammalu inissiat attartortittakkat pillugit inatsisit qaqumulluunniit atuuttut malillugit aalajangersarneqassapput.</p> <p><i>Imm. 4.</i> Piginneqatigiilluni inissiaatillit peqatigiiffiata ileqqoreqqusaani aalajangersakkat attartortumut illuummi najugaqaannartumut atuutiinnassapput.</p>
<p>§ 49. Piginneqatigiilluni inissiaatillit peqatigiiffiannut ilaasortaqaq ataaseq piginneqatigiilluni inissiamut ataasiinnarmut atuisinnaatitaalersinnaavoq.</p> <p><i>Imm. 2.</i> Piginneqataassut ataaseq inummit ataasiinnarmit pigineqarsinnaavoq.</p> <p><i>Imm. 3.</i> Inuit nammineersinnaassusillit kisimik piginneqatigiilluni inissiaatillit peqatigiiffiannut ilaasortaasinnaapput.</p> <p><i>Imm. 4.</i> Kommuni, imaluunniit sanatitsisoq namminersortoq piginneqatigiilluni inissiaatillit peqatigiiffianni piginneqataasutut inississimappata, imm. 1</p>	<p>8. § 49, imm. 4 ima oqaasertalerneqassaaq: ” <i>Imm. 4.</i> Imm. 1 aamma 3 atuutissanngillat Naalakkersuisut, kommuni imaluunniit sanatitsisoq namminersortoq piginneqatigiilluni inissiaatillit peqatigiiffianni piginneqataasutut inississimappata.”</p>

aamma 3 atuutissanngillat.	
<p>§ 55. Piginneqatigiilluni inissiaq najugaqarfissatut aalajangiussaq inuussutissarsiutinut atoqqusaanngilaq, taamaattoq takuuk stk. 2, aamma § 45.</p> <p><i>Imm. 2.</i> Piginneqatigiilluni inissiap inuussutissarsiutitut atorneqarnera pisisartunik pulaarneqartarnermik kinguneqarsimanngippat aamma najugaqarfittut atorneqarnissaanut tunngatillugu salliutinneqarsimappat piginneqatigiilluni inissiap ilaannakortumik inuussutissarsiutitut atorneqarsinnaanissaa ataatsimeersuartut akuersissutigisinnaavaat.</p>	<p>9. § 55 imatut oqaasertalerneqassaaq: ” § 55. Piginneqatigiilluni inissiaq najugaqarfissatut najornerata saniatigut siunertanut allanut atorneqaqquusaanngilaq, taamaattoq takuuk imm. 2, § 45 aamma § 45e.</p> <p><i>Imm. 2.</i> Piginneqatigiilluni inissiap inuussutissarsiortunut namminersortunut mikinerusunut atorneqarsinnaanera ataatsimeersuartut akuersissutigisinnaavaat, inuussutissarsiullu piginneqatigiilluni inissiap piginnittuanit taassumalu inoqutigiivinit ingerlanneqarsinnaavoq. Inuussutissarsiortut namminersortut mikinerusut pisisartut pulaartarnerannik kinguneqartitsissanngillat.”</p>
<p>§ 61. Piginneqataasup inissiami atuisinnaatitaaffigisamini najugaqarnissani pisussaaffigaa. Piginneqataasoq imaluunniit inuk, piginneqataasup inoqutaanut ilaasoq, ukiup ataatsip iluani sivikinnerpaamik qaammatini arfinilinni ataannartuni unnuisarpat, najugaqartussaataaneq naammassineqarsimassaaq.</p>	<p>10. § 61-imi imm. 2-tut ilanngunneqassaaq: ” <i>Imm. 2.</i> Najugaqartussaataaneermi Naalakkersuisut, kommuni imaluunniit sanatitsisoq namminersortoq piginneqatigiilluni inissiaatillit peqatigiiffiannut piginneqataasutut ilaalersooq ilaatinneqanngillat.”</p>
	<p style="text-align: center;">§ 2</p> <p>Inatsisartut Inatsisaat ulloq 1. januar 2025 atuutilissaaq.</p> <p><i>Imm. 2.</i> § 1, nr. 6 Namminersorlutik Oqartussat kommunillu illuutaanni attartortittakkani kingusinnerpaamik ulloq 31. december 2024 atuilernissamut akuersissut tunniunneqartoq atorlugu atorneqartassapput.</p>

Ilanngussaq 2**Tusarniaanermut allakkiaq**

1. Piginneqatigiilluni inissiat pillugit inatsisip allanngortinnissaanut siunnersuut tusarniaanermut nittartakkami kalaallisut aamma qallunaatut tamanut saqqummiunneqarsimavoq: ullormi 19.08.2024, ullormut 16.09.2024 nal. 12.00-imut tusarniaanissamut piffissalerlugu.

Siunnersuut ulloq 19.08.2024 mail aqutigalugu tamanut tusarniutigalugu nassiunneqarpoq, ulloq 16.09.2024 tusarniaanermut piffissalerlugu, ukununngalu nassiunneqarsimavoq:

Nassiussanut allattuiffik:

Naalackersuisup Siulittaasuata Naalackersuisoqarfia (govsec@nanoq.gl)

Aningaasaqarnermut Naligiissitaanermullu Naalackersuisoqarfik (oed@nanoq.gl)

Inuusutissarsiutinut, Niuernermut, Aatsitassanut Naligiissitaanermullu Naalackersuisoqarfik (isiin@nanoq.gl & asn@nanoq.gl)

Aalisarnermut Piniarnermullu Naalackersuisoqarfik (apn@nanoq.gl)

Isumaginninnermut, Ilaqutariinnut, Suliffeqarnermut Nunamullu Namminermt Naalackersuisoqarfik (isn@nanoq.gl)

Ilinniartitaanermut, Kultureqarnermut, Timersornermut Ilageeqarnermullu

Naalackersuisoqarfik: (ikin@nanoq.gl)

Nunalerinnermut, Imminut Pilersornermut, Nukissiuuteqarnermut Avatangiisinullu Naalackersuisoqarfik (pan@nanoq.gl)

Meeqqanut Inuusuttunullu Naalackersuisoqarfik (jian@nanoq.gl)

Peqqissutsimut Naalackersuisoqarfik (pn@nanoq.gl)

Kommune Kujalleq: (kommune@kujalleq.gl)

Kommuneqarfik Sermersooq: (kommuneqarfik@sermersooq.gl)

Qeqqata Kommunua (qeqqata@qeqqata.gl)

Kommune Qeqertalik (qeqertalik@qeqertalik.gl)

Avannaata Kommunua (avannaata@avannaata.gl)

Kalaallit Nunaanni Naalagaaffiup Sinnisoqarfia (ro@gl.stm.dk)

Ineqarnermut Naammagittaalliuuteqartarfik - Atuisoqarnermut Unammilleqatigiinnermullu Aqutsisoqarfik (aqa@nanoq.gl)

Nukissiorfiit (kundeservice@nukissiorfiit.gl)

Nusuka (nusuka2004@gmail.com)

Kalaallit Nunaanni Sulisitsisut (ga@ga.gl)

Kalaallit Nunaanni Politiit (grl-politi@politi.dk aamma grl-lesek@politi.dk)

SIK (sik@sik.gl)

PK-mut siulittaasoq (formanden@pk.gl)

Mittarfeqarfiit (mit@mit.gl)

Asiaq (asiaq@asiaq.gl)

AK (aknuuk@ak.gl)

IMAK (imak@imak.gl)

NPK (info@npk.gl)

ASG (asg@asg.gl)

KANUNUPE (kanunupe@gmail.com)

2. Tusarniaanissamat piffissaliussap naanerani siunnersuummut oqaaseqaateqarniatik makku nalunaaruteqarsimapput:

Naalagaaffiup politiivi aamma Meeqqanut Inuusuttunullu Naalakkersuisoqarfik.

Tusarniaanissamat piffissaliussap naanerani ukunanga Kommune Qeqertalik, Aningaasaqarnermut Akileraartarnermullu Naalakkersuisoqarfik, Sulisitsisut, SIK aamma INI A/S oqaaseqaatit tiguneqarsimapput.

Tusarniaanermut akissutigineqartut tullinnguuttuni suliarineqassapput. Naalakkersuisut tusarniaanermut akissutinut ataasiakkaanut oqaaseqaataat equngasumik allannilerlugit erseqqissarneqarput.

Kommune Qeqertalik

Innuttaasut sapinngisamik amerlanerpaat inissianik imminnut pilersornissaannik anguniagaq Kommune Qeqertaliup pingaarnertut tapersersorpaa, taamaalillunilu Piginneqatigiilluni inissiat pillugit Inatsisartut inatsisaata allanngortinnissaa pillugu Inatsisartut inatsisaat (inissiat attartortittakkat allanngortinnerat, kaaviiartitsinissamat inerteqqut il.il.) Kommune Qeqertaliup tapersorlugu. Sapaatip akunnerini sisamaannarni tusarniutigineqarluni tusarniaanerup sivikinnera patsisaalluni, tusarniut politikkikkut oqaluserineqanngilaq. Taamaattumik tusarniut allaffissornikkut akissuteqarfigineqarpoq.

Akissut:

Allannguutissatut siunnersuummut Kommune Qeqertaliup tapersersuinera allanneqarpoq.

Aningaasaqarnermut Akileraartarnermullu Naalakkersuisoqarfik

Kommunit, Namminersorlutik Oqartussallu inissiaataat attartortittakkanit, piginneqatigiilluni inissiannngortinneqarsinnaanissaannik Inatsisissatut siunnersuut siunertaqarpoq. Inissiat piginneqatigiilluni inissiannngortinneqareerpata piginnarneqarsinnaanngimmata, piginneqatigiilluni inissiat kommunit imaluunniit Naalakkersuisut tuniassavaat.

Taamaalilluni inuit amerlanerusut inissianik imminnut pilersornissaannut siunnersuut siuarsaaqataassaaq, pisortat inissianik pigisaannik ikilisaqataassaaq, soorluttaaq piginneqatigiilluni inissiatillit peqatigiiffianni piginneqataassuteqarnikkut innuttaasut amerlanerusut aningaasanik katersaqalersinnaassasut.

Attartortut akuersiteqqaarnagit illuutiniq allanngortitsisoqarsinnaanissaanut, siunnersuuteqarnikkut ilaatigut inatsisigut tunngavissaqalissasoq allassimavoq. Namminersorlutik Oqartussat illuutaanik allanngortitsissagaanni ukiumi aningaasanut inatsiseqarfiusumi aningaasaliissutitigut nalinginnaasumik, immikkullu tunngavissaqartariaqarpoq. Assinganik kommunit missingersuutaanni aningaasaliissutitigut tunngavissaqartariaqarpoq.

Taamaalilluni Namminersorlutik Oqartussat eqqarsaatigalugit ukiumi aningaasanut inatsiseqarfiusumi imaluunniit ukiup ingerlanerani ilassutitut aningaasaliissutissanik qinnuteqarnikkut aningaasaliissutitigut tunngavissaqarnissap aqutissiuunneqarneranut atatillugu allanngortitsinissat ataavartumik eqqartorneqartassapput.

Allanngortitsinissami aningaasaqarnikkut tunngaviusumik kinguneqaataasussat siunnersuummi allaaserilluagaapput.

Naalackersuisoqarfiup maluginiarpaa, taamaakkaluartoq siunnersuutip kingunerisaanik isertitassat (tamarmiusut) missiliorneqarsimanngitsut. Inissiat attartortittakkat qassit allanngortinneqassanersut ilisimaneqanngimmat tamanna missiliorneqarsinnaanngitsoq allassimavoq.

Pisortat inissiaataat amerlapput, taamaattumillu siunnersuut nunap karsianut, kommunillu karsiinut aningaasaqarnikkut annertoourjussuarmik kinguneqaratarsinnaalluni. Aningaasaqarnermut Naalackersuisoqarfiup maluginiarpaa, Namminersorlutik Oqartussat eqqarsaatigalugit pisortat inissiaataat qanoq amerlatigisut piginneqatigiilluni inissiannngortinneqarsinnaassanersut, imaluunniit taakkua piffissap ingerlanerani piginneqatigiilluni inissiannngortinneqarnissaannut pilersaarutaasut pillugit ersarinnerusumik nassuiaateqanngitsoq.

Tassunga tunngatillugu Naalackersuisoqarfiup kaammattutigissavaa, taamatut allanngortitsinissat pillugit inernerusinnaasumik inatsisartut takussutissipajaarumallugit assersuummik attuumassuteqartumik, piviusorsiorpalaartumillu ataatsimik, ajornanngippallu arlaqartunik suliaqartoqassasoq.

Teknikkimut tunngasunut oqaaseqaatit

Piginneqatigiilluni inissiat piginneqatigiilluni inissiaatillit peqatigiiffiannit tuniniarneqarnissaat siunertaasoq allassimavoq. Tunisineq taanna aallaavittut tusinermi akeq anguneqarsinnaasoq pitsaanerpaq atorlugu pissaaq, tak. § 45 h, imm. 2. Aalajangersakkami oqaaseqatigiinni kingullerni allassimavoq, piginneqatigiilluni inissiaatillit peqatigiiffiat piginneqatigiilluni inissiap attartortumut pioreersumut tunineqarnissaanut akerliusinnaanngitsoq. Nassuiaatini nalinginnaasuni allassimavoq, piginneqatigiilluni inissiaatillit peqatigiiffiannik pilersitsinermi nammineq akiliutigineqartut, pisinermi akimut tamarmiusumut naapertuutissasut naatsorsuutigineqartoq.

Tusinermi akeq anguneqarsinnaasoq pitsaanerpaaq atorlugu tunisinissap pinissaata saniatigut, piginneqataassutsimik attartortooreersumut annikitsuinnarmik neqerooruteqartumut qaqugukkut itigartitsisoqarsinnaanerani imaluunniit itigartitsisoqarnissaanut aalajangersagaq imaluunniit nassuiaatit nalinginnaasut kommunalbestyrelsimut imaluunniit Naalakkersuisunut ilitersuinngillat.

Iluqautaasinnaasumik akeqartitsisinnaalluni attartortooreersumut tunisisoqarsinnaanissaanut aalajangersagaq periarfissisorineqarpoq, tamannalu taakkununnga iluaqutissanngorlugu immikkoortitsinertut isigineqarsinnaalluni, tamannalu inuiaqatigiinnit isorineqarsinnaassalluni.

Namminersorlutik Oqartussat aningaasatigut soqutigisaasa pitsaanerpaamik isumaginissaannut Naalakkersuisut pisussaaffeqarput. Kommunip aningaasaqarneranut assinganik Kommunalborgstyrelsi pisussaaffeqarpoq. Tamanna inatsimmut nassuiaatini nalinginnaasuni ersarissarneqartariaqarpoq, taassumallu kingunerisaanik tunisineq pisortat aningaasaqarnikkut soqutigisaannik naleqquttumik isumaginninnermik kinguneqanngippat, piginneqatigiilluni inissiap attartortooreersumut tunineqarnissaa itigartinneqartariaqarluni. Tamannali pillugu erseqqissumik ilitersuisoqanngilaq.

Taamaattumik piginneqatigiilluni inissiaatillit peqatigiiffiata pilersinneqarneranit naleqquttumik piffissaliussap iluani tunisineq pissappat, akigititassat naatsorsuutigineqartumit imaluunniit nammineq akiliutigineqartumit 20 procentimik akikilliliissuteqarluni piginneqatigiilluni inissiap minnerpaatut tunineqarsinnaassasoq siunnersuummi assersuutigalugu aalajangersarneqassanersoq eqqarsaatigineqarsinnaavoq. Akigititassat naatsorsorneqartoq assersuutigalugu tassaasinnaavoq inatsisip § 67-ia malillugu naatsorsorneqartoq. Taamatut malittarisassa qaralaruni akikilliliisinnaanissaq inatsisitigut malittarisassiunneqassagalarpoq, tamannalu isornartorsiuisoqarnissaanut pinngitsoortitsisinnaassallunilu inatsit malillugu aqutsinermi missiliuineq annikinnerussagalarluni.

Ilutigisaanik Naalakkersuisoqarfiup oqaatigissavaa, malittarisaq taamak ittoq attartortooreersunut tunisinermi akigititassamut aamma najoqqutassiinnaammat.

Taamaattumik pisortat aningaasatigut soqutigisaat ataasiakkaanik suliaqarnikkut imaluunniit taamatut malittarisassa qarnikkut pitsaanerpaamik isumagineqassanersut isumaliutigineqartariaqarpoq.

Attartortut inissiamik attartukkaminik piginneqatigiilluni inissiatut tigusinissaminik kissaateqanngitsunut, pisortat inissiaataanni attartortittakkani atugassarititaasut atuutissapput, tak. § 45 j. Pisuni taakkunani Naalakkersuisut imaluunniit kommunalborgstyrelsi piginneqatigiilluni inissiamik piginnittut inississapput, inissiarlu attartortooreersumut attartortissallugu.

Taamaallilluni piginneqatigiilluni inissiamut akiliut pisortat attartortittagaataannut attartornermi akigititamit annertunerussappat, nunatta karsia imaluunniit kommunalbestyrelsi aningaasartuuteqarsinnaavoq. Ilutigisaanik § 45 j-imi imm. 2-mi aalajangersarneqartut attartortup akisussaaffiini nunap karsiata, kommunalbestyrelsillu akisussaaffeqalernerini aamma aningaasartuuteqarsinnaavoq. Nunap karsia eqqarsaatigalugu, taamatut aningaasartuuteqarnissami aningaasaliissutitigut tunngavissaq aningaasanut inatsisitigut aqquutissiuunneqassaaq. Assersuutigalugu attartortup inissiaq ajoqusersimappagu, Naalakkersuisut imaluunniit kommunalbestyrelsi aningaasartuutigisimasaminut attartortumut akiliuteqartitsinissaminut periarfissaqassanersut aalajangersakkami ersarinngilaq. Taamaakkaluartoq Aningaasaqarnermut Naalakkersuisoqarfik isumaqarpoq, taamatut pisoqassappat Naalakkersuisut imaluunniit kommunalbestyrelsi taarsiissuteqaqqusisinnaassaoq/akiliutigisimasanik utertitseqqusisinnaassasoq. Taamaattoqassanngippat tamanna inatsisitigut siunnersuummut nassuiaatini nalinginnaasuni allasimasariaqarpoq.

Assersuutigalugu pisisussaqaanngimmat piginneqataassuseq tunineqarsinnaanngippat, imaluunniit tuniniaaneq niuernermi akigititanut sunniuteqarnerlussinnaammat pisortat piginneqataassusertik tunerusunngippassuk, piffissaligaasumi piginneqataassuseq attartortinneqarsinnaassaaq, tak. siunnersuutip § 45 i-a. Attartortooreersut saniatigut attartortut allatigut aamma unammillernartitsisinnaapput, taakkualu siunnersuummut nassuiaatini nalinginnaasuni pitsaanerusumik nassuiaatigineqarsinnaakutsoorlutik. Taamatut pisuni Naalakkersuisut imaluunniit kommunalbestyrelsi piffissami sivikinnerusumi imaluunniit sivilunerusumi piginneqataassutsimik piginnittunngorsinnaapput, piginneqatigiillunilu inissiaatillit peqatigiiffiannut taarsigassarsiissutit eqqarsaatigalugit akiligassaqaqrusinnaallutik. Tunngaviusumik piginneqatigiilluni inissiaatillit peqatigiiffiata piginneqataassusaata annersaannik Namminersorlutik Oqartussat imaluunniit kommuni piginnittunngorlutillu nakkutilliisussanngorsinnaapput. Tamanna assersuutigalugu ataatsimeersuartitsinikkut, siulersuisunillu ataatsimiisitsinikkut allaffissornermik kinguneqarsinnaavoq. Assersuutigalugu piginneqataasut aningaasartuuteqarnissaannik kinguneqassalluni aserfallatsaaliuinissamat imaluunniit illuummi pingaarutilimmik suliassanut allanut aningaasartuutissanut nutaanut piginneqatigiilluni inissiaatillit peqatigiiffiat isummissappat, tamanna unammillernartunik, soqutigisallu aporaannerinik aamma kinguneqarsinnaavoq.

Akissut:

1. Inunnut, ilaqutariinnullu piginneqatigiilluni inissiamik, inissiatut imaluunniit illutut nammineq pigisatut pisinissamat aningaasatigut periarfissaqaanngitsunut pisortat attartortittagaateqarnissaat suli pisariaqartinneqassaaq. Pisortat inissiaataat attartortittakkat aqquutigalugit Naalakkersuisut aamma kommunit siunissami inissianik pilersuinnissaannut, siunnersuut manna allannguissasoq naatsorsuutigineqanngilaq.

Aningaasaqarnermut Akileraartarnermullu Naalackersuisoqarfimmit oqaatigineqartutut, illuummik attartortittakkamik piginneqatigiillun inissiatillit peqatigiiffiannut tunisinermi, piginneqatigiillunilu inissiatillit peqatigiiffianni piginneqataassutsinik ataasiakkaanik tunisinissamut Inatsisartut Aningaasanut inatsisaanni, kommunillu missingersuutaanni aningaasartuuteqarnissamut, isertitaqarnissamullu aningaasaliissutinik ilanngussisoqassaaq. Taamaalilluni pisortat inissiat attartortittagaat qanoq amerlatigut piginneqatigiilluni inissianngortinneqassanersut ataavartumik politikikkut aamma isummerfigineqartassaaq.

Namminersorlutik Oqartussat aamma kommnunit inissianik attartortittakkanik piginneqatigiilluni inissianngortitsinerini isertitassaanni, inissiat attartortittakkat qassit allanngortinneqarlutillu tunineqarnersut, suullu piumasaqaatigalugit tunineqarnersut apequtaassaaq. Inissiap attartortittakkap piginneqatigiilluni inissianngortinneqarneranut assersuutitut naatsorsuusisaaq, siunnersuummut nassuiaatini nalinginnaasuni ilanngunneqarpoq.

2. Naalackersuisut imaluunniit kommunalbestyrelsip piginneqataassutsimik tunisinerani tunisinermi akip tamarmiusup aalajangersarneqarnissaa pillugu aalajangersagaq, siunnersuutip § 45h, imm. 3-ani ilanngunneqarpoq. Pisinermi aki tamarmiusoq minnerpaamik nammineq akiliutit naleqqatigissavaat. Inissiatillit peqatigiiffiata piginneqatigiilluni inissianik tigusineranit qaammatinit aqqaneq-marlunnit kingusinnerusumit piginneqataassutsimik tunisinermi, nammineerluni akiliutip 20%-ia tikillugu akikilliliissuteqarluni piginneqataassutsinik tunisisoqarsinnaavoq.

3. Piginneqatigiilluni inissiatillit peqatigiiffianni piginnittutut pisinnaatitaaffiit, pisussaaffiillu isumagissaralugit Naalackersuisut aamma kommunalbestyrelsi piginneqataassutsinik piginnittutut inississapput. Attartortooreersunut attartortitsinermi imaluunniit piginneqataassutsinik attartorneqanngitsunik attartortitsinerne taakkununnga Naalackersuisut, kommunalbestyrelsilu isertitaqassapput.

Attartortitsinerne isertitat piginneqatigiilluni inissiatillit peqatigiiffiannut akiliutissanut, attartortullu piginneqatigiilluni inissianik atuinerini iluarsagassaqaassappat, taakkununnga aningaasartuutissanut matussusiissanersut siumut oqaatigineqarsinnaanngilaq. Taamaattoqassappat Inatsisartut Aningaasanut inatsisaanni, kommunillu missingersuutaanni aningaasartuutissanut, isertitassanullu nalinginnaasumik taakkununnga aningaasaliisoqartariaqassaaq.

Inissianik attartortitsisarneq pillugu Inatsisartut peqqussutaanni nalinginnaasumik malittarisassat naapertorlugit Naalackersuisut imaluunniit kommunalbestyrelsi attartortumut piumasaqaateqarnissaminut, matumani attartortup aserorterisimanerata, attartukkamillu paarsinerlussimanerata kingunerisaanik piumasaqaateqarnissaminut periarfissaqassaaq.

4. Pisortat illuutaanik attartortittakkamik piginneqatigiilluni inissiannngortitsinermi aserfallatsaaliunissaminut naatsorsuutigisamik aningaasartuutissat, nutarterinissamilu kinguaattoorutit eqqarsaatigineqarnersut tunisinissap pilersaarusiorterani, niuernermilu naliliiffigineqarnerani paasissutissiisutigineqassaaq.

Naalackersuisut imaluunniit kommunalbestyrelsi piginneqatigiilluni inissiatillit peqatigiiffianni amerlanerussuteqarlutik piginneqataassuteqartillugit Naalackersuisut imaluunniit kommunalbestyrelsi piginneqatigiilluni inissiatillit peqatigiiffianni aalajangiisutut inissisimassaput. Piginneqataassutsit affai sinnerlugit tunisinermi Naalackersuisut imaluunniit kommunalbestyrelsip aalajangiisutut inissisimanertik annaassavaa.

Taamaakkaluartoq piginneqatigiilluni inissianut nalinginnaasumik ileqqoreqqusani aalajangerneqarpoq, nutaamik akiliuteqarnissamik aamma pitsaangorsagassanik aallartitsisoqarnissaanik siunnersuuteqartoqartillugu imaluunniit iluarsagassat aningaasalersorneqarnissaanni inissiamut akiliutit 25 %-it sinnerlugit qaffannissaannik kingunilimmik iluarsagassaqarpat amerlanerussuteqartunit akuerineqartariaqartoq. Inuit piginneqataassusillit imminnut imaluunniit pisortat piginneqataassutsinik piginnittutut imminnut inissianut akiliutit annertuumik qaffannissaannik suliniutinik ingerlatsisinnaassanngitsut imaluunniit ingerlatserusussanngitsut nalilerneqarpoq.

Pisortat inissiaataannik attartortittakkanik piginneqatigiilluni inissiannngortitsinermi, piginneqatigiillunilu inissiatillit peqatigiiffiannik pilersitsinermi piginneqatigiilluni inissiatillit peqatigiiffiata isumagisassai pillugit isumaginnittussamik isumaqatigiissusiortoqassasoq naatsorsuutigineqarpoq. Tassunga aningaasartuutissat piginneqatigiilluni inissiatillit peqatigiiffiata aningaasartuutigissavai.

Sulisitsisut

Inissiatit inunnit nammineq pigineqalerunik inissiat pitsaanerusumik aserfallatsaalineqarsinnaalernissaannut kinguneqarsinnaammat, Sulisitsisut inatsisissatut siunnersuutigineqartumut nalinginnaasumik isumalluarput.

Inissiat tunineqarnissaannut akigitinneqartup inissianik niuernermut naapertuunnissaa pingaaruteqarpoq, siunnersuutigineqartutut akikilliliisoqartussaattillugu inissiat amerlavallaat tuniniarneqannginnissaat pingaaruteqartorujussuovoq, tamanna inissianik niuernermut sunniuteqassammat, taamaalillunilu sanaartorneq suli annikilleriassalluni.

Tuniniaaneq, inissiallu piumaneqarnerat oqimaqatigiinniassammat Namminersorlutik Oqartussat, kommunillu tuniniaanitik ataqatigiissassavaat. Inissiat nutaat niuernermi tunineqarsinnaanissaat qulakkeerneqassaaq.

Sulisitsisut siunnersuutinit annerusumik oqaaseqaatissaqanngilaq.

Akissut:

Inissianik attartortittakkanik piginneqatigiilluni inissianngortitsinermi, piginneqatigiillunilu inissianik inoqanngitsunik tuniniaaneq ima ingerlanniarneqassaaq, inissianik tuniniaanerup aamma inissiat piumaneqarnerisa akornanni oqimaaqatigiissitsineq sapinngisamik attatiinnarneqarluni. Taamaattumik piginneqatigiilluni inissiat inoqanngitsut tuniniarnagit, tunineqarsinnaaleqqinnissaasa tungaannut attartortissallugit Naalakkersuisut imaluunniit kommunalbestyrelsi aalajangersinnaapput.

Illuutip attartortittakkap piginneqatigiilluni inissiaatillit peqatigiiffiannut tunineqarnissaanut, piginneqatigiillunilu inissiaatillit peqatigiiffianni inissiat ataasiakkaat tunineqarnissaannut Inatsisartut Aningaasaqarnermut inatsisaanni, kommunillu missingersuutaanni nalinginnaasumik aningaasartuutissanut, isertitassanullu aningaasaliisoqassaaq. Taamaalluni pisortat inissiaataat attartortittakkat qanoq amerlatigisut piginneqatigiilluni inissianngortinneqarnissaat pillugu politikkikkut ataavartumik aamma isummerfigineqartassaaq.

SIK

SIK-p ilisimalluarpa, SIK-mi isumaqatigiissutit malillugit akissarsiaqarlutik ilaqtariippassuit inissiamik attartukkaminnik piginneqatigiilluni inissiatut pisinissami aningaasalersorneqarnissaanut sulii periarfissaqanngitsut.

SIK-mi isumaqatigiissutit malillugit akissarsiallit inissiamimi pisiarinissaanut aningaaserivinnit piumasaqaataasut ajornarmata, matumani ileqqaagaqarsimanissaq kissaatigineqarnerusarmat. Naak, piginneqatigiilluni inissiaatillit peqatigiiffianni inissianut tamanut Naalakkersuisut imaluunniit kommunalbestyrelsi nammineq akiliutissamut akiliigaluarpata.

Inuussuttut 30-t ataallugit ukiullit piginneqatigiilluni inissiamik pisissappata tamanna siunissamut ungasinnerusumut imminut akilersinnaassaaq, pisortalli inissiaataanni attartortittakkani nutarterinissami kinguaattoorutit qanoq annertutiginersut, taamaattumillu attartortut ataasiakkaat nutarterinissamut aningaasartuuteqarnissaat siunissami ungasinnerusumi ajornarsinnaasoq SIK-p ilisimavaa.

Piginneqatigiilluni inissiat pillugit Inatsisartut inatsisaata allannngortinnissaa pillugu Inatsisartut inatsisissaattut siunnersuut, 2025-mi januaarip aallaqqaataani atuutilertussaq SIK-p tusaatissatut tiguaa.

Akissut:

Kikkut tamarmik nammineq inissiassaminnik pisisinnaangillat imaluunniit pisisussaasut. Nammineq inissiassamik pisinnginnissaq aningaasatigut, inuttullu patsiseqarsinnaavoq.

Piginneqatigiilluni inissiatillit peqatigiiffiannut inissiamut akiliutissaq piginneqatigiilluni inissiatillit peqatigiiffiannut eqqortumik missingersuutinik, matumani aserfallatsaaliuinissamut, nutarterinissamilu kinguaattoorutinut naatsorsuutigisamik aningaasartuutissamik aallaaveqassaaq. Tamanna tunngavigalugu piginneqatigiilluni inissiamik pisisussat ataasiakkaat nammineq akiliutissat, piginneqatigiillunilu inissiatillit peqatigiiffiannut akiliutissaq matussusersinnaassanerlugit nalilertariaqarpaat.

Inunnut, ilaqutariinnullu piginneqatigiilluni inissiamik, inissiatut imaluunniit illutut nammineq pigisatut pisinissamut aningaasatigut periarfissaqanngitsunut imaluunniit inuttut patsiseqarlutik piserusunngitsunut pisortat attartortittagaateqarnissaat suli pisariaqartinneqassaaq. Pisortat inissiaataat attartortittakkat aqputigalugit Naalackersuisut aamma kommunit siunissami inissianik pilersuinnissaannut, siunnersuut manna allannguissasoq naatsorsuutigineqanngilaq.

INI A/S

Siusinnerusukkut pisortat attartortittagaataannik attartortut inissianik piginnittunngornissamut namminneerlutik suliniuteqartarsimasut, siunnersuutitigut Namminersorlutik Oqartussat imaluunniit kommunit inissiamik piginnittut peqatigiiffiannik aamma piginneqatigiilluni inissianik piginneqatigiiffimmik pilersitsinissamut namminneerlutik suliniuteqarsinnaalissasut, kingornalu attartortooreersut inissianik taakkuninnga pisinissaannut neqeroorfigisinnaassagaat, periarfissatullu inissiat inueruppata tuniniarsinnaassagaat siunnersuutit taakkua marluk siunertaraat. Siunnersuutini taakkunani marluusuni attartortut pisinissaminnut neqeroorummik itigartitsisinnaatitaapput, aningaasaqarnikkullu allannguutitaqanngitsunik inissiami najugaqaannarsinnaassalutik. Taamaalilluni pisortat inissiaataannik tunisissamut inatsisitigut tunngavissaqarnissaq anguniarneqarneratigut, pisortat inissiaataasa attartortittakkat ikilisinneqarnissaat siunertaavoq.

Naatsorsuutigisamik inissiat allanngortinneqassasut, taamatullu itsillugit tunineqassasut allassimavoq. Illuut tamakkerlugu imaluunniit inissiat ataasiakkaat nutarterneqassasut imaluunniit iluarsartuunneqassasut naatsorsuutigineqanngilaq.

Aserfallatsaaliisariaqarneq pillugu Aningaasaqarnermut Naligiissitaanermullu Naalackersuisoqarfiup 2023-mi nassuiaasiaa naapertorlugu, ukiut qulit ingerlanerini annerpaamik suliniuteqarnikkut appartinneqarsinaallutik Namminersorlutik Oqartussat attartortittagaataannaannut aserfallatsaaliuinissami kinguaattoorutit 3,8 mia. koruunit

missaanniipput. Ukiut 15-it piffissaliuutissagaanni aningaasalersuutissatut pisariaqartinneqartut 5,0 mia koruunit missaanniipput, ukiullu 20-t piffissaliuutissagaanni aningaasalersuutissatut pisariaqartinneqartut 6,2 – 6,3 mia. koruuninut qaffassallutik.

Nassuiaammi allassimavoq, piffissami naatsorsuusiorfiusumi Namminersorlutik Oqartussat inissiaataat 5.519-iusut, inissiat tamakkerlugit katillugit 355.598 m²-itut atsigisut. Taamaalilluni piffissaliunneqartoq apeqqutaalluni aserfallatsaaliinissami kinguaattoorutit m²-imut 10.686 koruuniupput, m²-imut 14.061 koruuniupput imaluunniit m²-imut 17.576 koruuniullutik. Aggvaqatigiissillugu inissiaq 64,4 m²-iuvoq, taamaalillunilu aserfallatsaaliuinnissami kinguaattoorutit appartinneqarnissaannut piffissaliunneqartoq apeqqutaalluni 688.193 koruuninut 1.131.896 koruunit tungaannut aserfallatsaaliuinnermi kinguaattooruteqarfiulluni tiguneqassagalarluni.

Attartortup inissiamik pisinerani piginnittumut aningaasaliissutitigut iluanaarutininik akiliuteqarnissaq atorunnaassaaq. Tamanna Namminersorlutik Oqartussat inissiaataannik attartortittakkanik attartortitat 21 %-it missaaraat. Inissiani taakkunani ukiumut m²-imut 84 koruunit missaat PA-mut (pilarsaarutaasumik aserfallatsaaliuneq) ukiumut immikkoortinneqartarput. Namminersorlutik Oqartussat aserfallatsaaliuinnissamut paasissutissaasiviani IPV-mi allassimavoq, Namminersorlutik Oqartussat inissianut attartortittagaataannut aserfallatsaaliuinnissami kinguaattoorutit tamakkiisumik appartinneqareerpata immikkoortinneqartussatut pisariaqartinneqartussaq m²-imut 430 koruuniussasoq. Massakkut ukiumut m²-imut 679 koruuninut immikkoortinneqartartunut nikingassutaasoq 51%-it missaanniippoq.

Siunnersuummi allassimavoq, inissiat aserfallatsaalineqarnissaannut piginnittut nutaat akisussaaffigigaat, inissiap ilua piginnittup toqqaannartumik akisussaaffigigaa, silataalu inissiamik piginnittut peqatigiiffiata/piginneqatigiilluni inissiaatillit peqatigiiffiata akisussaaffigigaa, pisariaqartillugulu silataa aserfallatsaalineqartassasoq. Taamaalilluni inatsit malinneqassappat piginnittut nutaat inissiamut akiliutigisartagaat 30 %-it missaannik qaffassapput (aningaasaliissutaasunit iluanaarutinit -20 %-it, PA-mut ileqqaagaqannginnermut +51 %-t), taassumallu saniatigut inissiamik pisinerup nammineq aningaasalersorneqarneranut erniat, akilersuutissallu ilanngunneqassallutik.

Nammineq akiliutissaq tamakkiisumik imaluunniit ilaannakortumik aningaaserivik imaluunniit pigisanik aalaakkaasunik qularnaveeqqusiilluni taarsigassarsisitsisarfik aqutigalugu aningaasalersorneqarpat, taarsigassarsiniap akiliisinnaassuseqarnera misissorluassallugu aningaaserivik pisussaaffeqarpoq. Taassumap kingunerisaanik inissiat ataasiakkaat tuniniarneqarnerini erseqqissumik allassimassalluni malitsigisaanik aserfallatsaaliuinnissami kinguaattoorutit aningaasalersorneqarnissaanni, taarsigassarsiniap akiliutissani aningaasalersorsinnaassanerai pillugit nalilersuilluartoqassaaq. INI-p nalilerpaa, illuummi pineqartumi aserfallatsaaliuinnissami kinguaattoorutit annikitsuinnaangippata, Namminersorlutik Oqartussanit attartortut amerlanersaat aningaaserivik imaluunniit pigisanik

aalaakkaasunik qularnaveequsiussaqaarluni taarsigassarsisitsisarfik aqcutigalugu aningaasalersuinissaminnik kissaateqartut amerlanersaasa itigartinneqarnerinik kinguneqassasoq.

Illuummik inissiamik piginnittut peqatigiiffinngortitsinermi/piginneqatigiilluni inissiaatillit peqatigiiffinngortitsinermi siunertamut atortussat pisariaqartut tamaasa suliarissallugit Namminersorlutik Oqartussat aamma kommunit akisussaaffigaat. Inissiamik piginnittut peqatigiiffiat/piginneqatigiilluni inissiaatillit peqatigiiffiat illuutip manna tikillugu najugaqarfimmut attuumassuteqartumut attuumassuteqassaaq (ataatsimut pilersuiviit, nunaminertallu ataatsimoorussat), peqatigiiffimmuinnarlu atasunik naatsorsuutininik pilersitsisoqassalluni. Atortussiornissamut aningaasartuutissat aallaqqaammut Namminersorlutik Oqartussat/kommunit akilissavaat, kingornalu inissiamut ataatsimut 50.000 koruuninik aningaasartalerlugu inissiap tunineqarnissaani akigititamut ilanngunneqarsinnaassalluni. Peqatigiiffiup naatsorsuutaannik suliaqarnermi aningaasartuutissat, peqatigiiffiit ataasiakkaat isumagissavaat.

INI-p innersuussutigaa, illuutitut ataasiakkaanut aningaasaqarnermut tunngatillugu atortussiornissaq aallartitinnagu, inissiat allanngortinneqartut qanoq sukkatigisumik tuniniarneqassanersut Namminersorlutik Oqartussat aamma kommunit eqqarsaatigilluassagaat. Illuummi attartortut ikitsuinnaat pisinissaminnik kissaateqassappata, massakkut attartortuusut attartortillugit massakkut inissiamik piginnittup inissiat sinneruttut isumagissallugit pisussaaffigissava, inatsisillu nutaap malinneqarnissaanut PA-mut eqqortumik akileequsiissuteqarnissaq eqqarsaatigalugu kiisalu aserfallatsaaliugassat suliarineqarnissaanut kiisalu pilersaarusiornissamut atortussusiornissami aningaasartuutiqeqartariaqartut annersaanut akiliuteqassalluni.

Taassumap saniatigut inissiarsuarmi attartortitat, inissiallu nammineq pigisat ataatsimut aqunneqarnissaanut INI-p ernumassuteqarnini erseqqissaatigiumavaa. Attartortumit piginnittuunermut aaqqiissut ukiorpassuarni atuussimavoq, inatsisissatullu siunnersuummi eqqortumik allassimasutut, illuummi najugartut assigiinngitsuutillugit piginnittup, attartortut, inissianillu piginnittut suut akisussaaffigineraat tamakkiisumik erseqqilluinnassaaq. Ataatsimut nukissiuutininik pilersuiveqarnek, innaallagissamut aqquteqarnek, nunaminertat ataatsimoorussat, immikkoortumik uuttusersuisinnaaneq il.il. Pissutsinut taamak ittunut INI-p misilittagai imaangilaq iluatsilluarsimasut, taamaalillunilu inissianik piginnittut kissaataat malillugu piginneqatigiilluni inissiaatillit peqatigiiffiannik imaluunniit inissiamik piginnittut peqatigiiffiannik pilersitsisoqarnissaa sioqqullugu tamakkiisumik qulaajarneqartariaqarlutik.

Alla isiginiarneqartariaqartoq tassaavoq, attartortoq nuuppat inissiaq inoqanngitsoq tuniniarneqassappat imaluunniit piginneqatigiilluni inissianngortinneqassappat najugaqarfiiit pineqartut aningaasaqarnerinut sunniutqassamat. Atugassarititaasut nalinginnaasut malillugit initaarnissamut utaqqisut allattorsimaffiani allassimasoq inissiamut neqeroorfigneqassaaq. Inissiaq maanna tuniniagassanngorsimappat, inissiap inoqannginnera

najugaqatigiiffiup aningaasaqarneranut sunniuteqarnerlussaaq. Nalinginnaasumillu utaqqisut allattorsimaffianni utaqqisumut neqeroorutigineqarsinnaaqqullugu, inissiaq qanoq sivisutigisumik tuniniarneqarsimassava? Tamanna inatsimmi allannngortitami allassimasariaqarpoq. Tassunga atatillugu erseqqissaatigineqassaaq, tunisinermut atatillugu inissiamut inoqanngitsumut aningaasartuutit najugaqarfinnut ataasiakkaanut tutsinneqarsinnaanngimmata, siusinnerusukkut eqqaaneqartutut pilersaaruteqarnermi aningaasartuutissanut il.il inissiamik piginnittumit aningaasartuutigineqartariaqarluni.

Akissut:

1. Inunnut, ilaqutariinnullu piginneqatigiilluni inissiamik, inissiatut imaluunniit illutut nammineq pigisatut pisinissamut aningaasatigut periarfissaqanngitsunut pisortat attartortittagaateqarnissaat suli pisariaqartinneqassaaq. Pisortat inissiaataat attartortittakkat aqutigalugit Naalakkersuisut aamma kommunit siunissami inissianik pilersuinissaannut, siunnersuut manna allannguissasoq naatsorsuutigineqanngilaq.

Pisortat inissiaataannik attartortittakkanik piginneqatigiilluni inissiannngortitsinermi, piginneqatigiillunilu inissianik inoqanngitsunik tuniniaaneq ima ingerlanniarneqassaaq, inissianik tuniniaanerup aamma inissiat piumaneqarnerisa akornanni oqimaaqatigiissitsineq sapinngisamik attatiinnarneqarluni. Taamaattumik piginneqatigiilluni inissiat inoqanngitsut tuniniarnagit, tunineqarsinnaaleqqinnissaasa tungaannut attartortissallugit Naalakkersuisut imaluunniit kommunalbestyrelsi aalajangersinnaapput.

Illuutip attartortittakkap piginneqatigiilluni inissiaatillit peqatigiiffiannut tunineqarnissaanut, piginneqatigiillunilu inissiaatillit peqatigiiffianni inissiat ataasiakkaat tunineqarnissaannut Inatsisartut Aningaasaqarnermut inatsisaanni, kommunillu missingersuutaanni nalinginnaasumik aningaasartuutissanut, isertitassanullu aningaasaliisoqassaaq. Taamaalilluni pisortat inissiaataat attartortittakkat qanoq amerlatigisut piginneqatigiilluni inissiannngortinneqarnissaat pillugu politikikkut ataavartumik aamma isummerfigineqartassaaq.

Naalakkersuisut naatsorsuutigaat, siullermik illuut ataaseq piginneqatigiilluni inissiannngortinneqassasoq, inissiallu tuniniarneqarlutik. Tamanna misilittagaqarnermik kinguneqassaaq, ajornartorsiutaasullu attuumassuteqartut paasineqassallutik, soorlutaaq piginneqatigiilluni inissiannngortitat Naalakkersuisunit, kommunalbestyrelsimiillu attartortinneqartut aqunneqarnissaat aaqqissuunneqassasoq.

2. Illuutit attartortittakkat piginneqatigiilluni inissiannngortinneqarnissaannik, attartortunullu tuniniarneqarnissaannut aamma tamanut tuniniarneqarnissaanut periarfissaq atussanerlugu Naalakkersuisut, kommunalbestyrelsillu namminneerlutik aalajangissavaat.

Pisassarisanik piumasaqartarneq pillugu inatsiseqarnermi malittarisassat naapertorlugit, pissutsit pingaarutillit tunisisup ilisimasai imaluunniit ilisimasariaqaragai, pisisussallu illuummik attartortittakkamik pisinissaanut aalajangernissaani aalajangiisuusinnaasut pillugit Naalakkersuisut, kommunalbestyrelsillu piginneqatigiilluni inissiaatillit peqatigiiffiannut paasissutissiissallutik pisussaaffeqarput.

Inissiat attartortittakkat piginneqatigiilluni inissianngortinneqarnerini inissiat attartortittakkat aningaasaqarnikkut inissisimanerat pillugu, nutarterinissamilu kinguaattoorutit ilanngullugit aserfallatsaaliuinissami naatsorsuutigisamik aningaasartuutissat pillugit Naalakkersuisut, Kommunalbestyrelsillu paasissutissiissallutik pisussaaffeqarput.

Tuniniaasup unneqqarilluni paasissutissiisussaataanerata, piginneqatigiilluni inissiaatillit peqatigiiffiata illuut pillugu kiisalu illuummut pingaarutillit, illuutillu nalinga, atorneralu pillugit eqqortumik, tamakkiisumillu paasinninnissaa qulakkiissavaa. Assinganik unneqqarilluni paasissutissiisussaataanerup kingunerisaanik akikilliliissuteqartoqarnissaanik, taarsiissuteqartoqarnissaanik, niuernermillu taamaatitsisoqarnissaanik piginneqatigiilluni inissiaatillit peqatigiiffiat piumasaqarsinnaassaaq.

Assinganik pissutsit pingaarutillit tunisisup ilisimasai imaluunniit ilisimasariaqaragai, pisisussallu illuummik attartortittakkamik pisinissaanut aalajangernissaani aalajangiisuusinnaasut pillugit piginneqatigiilluni inissiaatillit peqatigiiffia paasissutissiissalluni pisussaaffeqarpoq. Assinganik piginneqatigiilluni inissiaatillit peqatigiiffiannut inissiamut akiliutissaaq, piginneqatigiilluni inissiaatillit peqatigiiffianut missingersuutinik eqqortunik aallaaveqassaaq.

3. Piginneqatigiilluni inissiaatillit peqatigiiffianni piginnittutut pisinnaatitaaffiit, pisussaaffiillu isumagisassaralugit Naalakkersuisut aamma kommunalbestyrelsi piginneqataassutsinik piginnittutut inississapput.

Naalakkersuisut, kommunalbestyrelsillu piginneqataassutsinik piginnittutut, piginneqatigiilluni inissiaatillit peqatigiiffiannut inissiamut ataavartumik akiliutissat akilerneqartarnissaat akisussaaffigaat. Piginneqatigiilluni inissiaq Naalakkersuisunit, kommunalbestyrelsiniillu pigineqartoq attartortup nuunneratigut inueruppat, piginneqatigiilluni inissiaatillit peqatigiiffiannut inissiamut ataavartumik akiliutissat akilerneqarnissaannut Naalakkersuisut, kommunalbestyrelsillu pisussaaffeqarput. Piginneqatigiilluni inissiaatillit peqatigiiffiat eqqarsaatigalugu inissianik inoqanngitsoqalissannigilaq. Piginneqatigiilluni inissianik piginnittut – uani Naalakkersuisut aamma kommunalbestyrelsit - eqqarsaatigalugit inoqanngitsoqassaaq.

Attartortooreersunut attartortitsinerimi imaluunnit piginneqataassutsunik inoqanngitsunik attartortitsinerimi attartortitatigut isertitaqartoqassaaq. Attartortitsinerimi isertitat piginneqatigiilluni inissiatillit peqatigiiffiannut akiliutissanut, attartortullu piginneqatigiilluni inissianik atuinerini iluarsagassaqaassappat, taakkununnga aningaasartuutissanut matussusiissanersut siumut oqaatigineqarsinnaanngilaq. Taamaattoqassappat Inatsisartut Aningaasanut inatsisaanni, kommunillu missingersuutaanni aningaasartuutissanut, isertitassanullu nalinginnaasumik taakkununnga aningaasaliisoqartariaqassaaq.

Pisortat inissiaataannik attartortittakkanik piginneqatigiilluni inissiannortitsinerimi, piginneqatigiillunilu inissiatileqatigiit peqatigiiffiannik pilersitsinerimi piginneqatigiilluni inissiatillit peqatigiiffiata isumagisassai pillugit isumaginnittussamik isumaqatigiissusiortoqassasoq naatsorsuutigineqarpoq. Tassunga aningaasartuutissat piginneqatigiilluni inissiatillit peqatigiiffiata aningaasartuutigissavai.